

卷之一

目錄

水源木本

魚龍字號

領譜引併收執字號

續修宗譜新序

續修宗祠新序

舊序

像贊

條訓引

凡例

家規

六條

五難

統說

九戒

家訓

家禮圖

界山祠引名目

界山祠圖名目

老河勘祠記祠圖

重修宗譜老名目

續修宗譜新名目

派行引

卷之二

世系圖牒引

老世系圖

淵源引

世系二十一世至二十五世

卷之三

世系引

安生公支下二十六世至三十世

卷之四

世系引

懋德公支下遠聰公派二十一世至三十世

卷之五前册

世系引

安生公支下三十一世至三十五世

卷之五後册

世系引

懋德公支下遠聰公派三十一世至三十六世

卷之六

傳贊引

老傳讚

壽文序

新傳讚

墩上陰陽基圖

墩上山圖

高灘陰陽基圖

胡家蕩陰陽基址並澇灘地界

礮分陰陽基圖

礮分墳山圖

續修宗祠合同

續修宗譜議合

墩礮兩分祠公祭田啟并四至坐落界

礮分遠聰公祭田坐落四至界

儒分遠聰公墳山議合

續修宗譜老跋

續修宗譜新跋

永

源


木

譜傳萬代芳

世守珍藏



魚為千年記





收藏宗譜引併收執字號

宗器藏之天府器以宗重祖系編之族譜系以祖隆重則保全
 宜周隆則世守宜珍我族宗譜自前清光緒年間刊定二十一
 部編列二十一字載明某字某執間有收執不慎以致損壞者
 不但罰其金銀二十兩充公且以不孝重論茲查高灘分有允
 龍收執黃字號之宗譜先後遭有兩次回祿破壞太甚本應依
 例重罰姑念被厄天災酌議從寬取締其收執之權而另擇謹
 慎者先行繳費以資收領除將各冊復行續修外其餘三四兩
 冊稍有破碎妨礙手續以致未便修理日後該字號宗譜無論
 何人收領務須一律體恤不得視為收管不慎破碎處罰爰刊

述其原因以傳示後世子孫云爾

天字號

河水
纏清

收執

地字號

華齡

收執

元字號

焜耀

收執

黃字號

鴻材
秋成

收執

字字號

品三

收執

宙字號

吹幽
光華

收執

洪字號

紹唐
瑞廷

收執

豐字號

雲庭
雲樹

收執

日字號

增佳

收執

月字號

克明

收執

盈字號

吉人三股
加壽一股

收執

長字號

有麟

收執

辰字號

鐸鈴
嘉賓

收執

宿字號

光材
樂山 高祥

收執

烈字號

南方二股
太和一股

收執

張字號

乘時 爽卿 潤椿 尚鑑 响若

收執

寒字號

鴻福

收執

來字號

玉珍 玉子

收執

暑字號

欣然 金鐘 述志

收執

往字號

開基

收執

秋字號

蘭如 乃茂

收執

續修宗譜序

嘗聞國之治亂係乎禮樂紀綱家之盛衰關乎宗法
 譜牒譜牒者所以明倫序穆分尊定卑不但有以維
 持世道亦且有以挽回人心也朱子曰三代不修譜
 即為不孝程子曰管攝天下人心使人不忘本須明
 譜牒是譜牒之有關於名教風化也班班史冊矣我
 祖分派始自尊公籍新安生二子長曰安生次曰懋
 德安生公傳十世孫家公由新安遷蕪太平圩至十

胡氏宗譜 卷一
三世仁公卜居界山清明湖者卽今墩上分是也家
公之弟永公徙涇邑山頭胡村至三十五世文勝公
遷居老河塢者卽今高灘分是也懋德公傳十四世
至宗興公卜宅凌子塘西殿基山下者卽今礪分是
也然居雖異地系歸同根譜牒詳明曆曆可攷余族
宗譜自我祖西堂瑞菴方舟叔楨幹侄夢齡續修於
光緒壬辰年迄今有三十餘載若不急圖修輯恐年
湮代遠勢必至芳蹟幽貞莫可傳攷矧民國告成改

革維新百端特理續修譜牒蓋欲與宗族更始一家
之政事也故族尊紫珂隨風有麟協同玉唐玉周鴻
材增榮紹唐燮卿華齡等齊集宗祠通同立議以理
稿囑予予自知才疎學淺不克勝任幸有子清連城
公極表同情協力輔助始得以委曲承命並推瑞廷
雲庭潤椿爲之採訪爰臣澤仁述志泉臣爲之校閱
於是取舊牒而仿照親子三祧螟子二祧之例細心
檢討理舊增新凡世系支派親疎嗣續逐一詳明爰

禮聘束梓筱齋不數月而彙修成軼此雖我族人之
踴躍從公要非我祖宗默佑之靈不及此然後世子
孫仰承祖志以譜牒兢兢業業而不敢忽者是尤予
之所厚望也予不敏因備述其原由而敬爲之序

告

中華民國十四年歲次乙丑黃鍾月吉日

三十三世孫前清邑增生皖甯中學師範學校

最優等畢業其芳蘭如謹序

續修宗譜序

莫爲之前雖美而弗彰莫爲之後雖盛而弗傳我族譜牒有修
之於前者有修之於後者然予謂修於承平之日易修於兵燹
之役難光緒十八年族修宗譜適當咸豐兵燹之餘僅存老譜
一部幸賴西堂夢蘭方舟楨幹夢齡諸前輩苦心搜討遠稽先
人之著述近訪父老之流傳百計圖維始克成書其間祖德宗
功孝子賢孫以及世系源流婚姻嫁娶生卒厝葬陰陽基圖家
庭禮法靡不井然有條秩然有序一展卷而瞭如指掌彼敦睦
之情有不油然而生者乎由是觀之我族元齡文交善照諸公
創修於前西堂楨幹兩先生繼修於後雖百世子孫亦可以永

遠而守成然朱子云三世不修譜比之不孝自光緒壬辰至今又三十餘年矣矧民國振興五族共和凡百政體煥然一新我族執事先生蘭如等又復倡議續修欲繼美於前人並蒙族老推予副修譜稿予不敏又不獲辭兢七業業勉從諸老後不數月而譜將告成因撰俚句以爲序

皆

中華民國十四年歲次旃蒙赤奮若著雍困敦吉月日

三十三世孫前清邑庠生子清渠成謹序

續修宗譜序

程伊川曰譜之要在明一本而濬其源所以尊祖敬宗也究萬派而清其流所以別親疎之遠近也辨昭穆等降之殊所以識尊卑之次第也隆吉凶慶唁之禮敦孝友睦婣任恤之行所以崇宗族之典禮也譜之所係大矣哉稽我祖遵公仕齊破燕軍復故疆功載盟府位列上卿爲我族武功之倡史冊彰彰昭然若揭公生二子長安生次懋德其時人丁蕃衍一居墩上一居高灘一居僑頭三分鼎峙皆自遵公一脈傳流而發祥者也今春族長紫珂隨風有麟等懼夫年遠情渙幾若秦越提倡續修齊集宗祠僉同立議推舉其芳子清連城公掌稿而雲庭燮臣

潤椿澤仁願爲同心協力分任其責余亦躍然從之爰請舊牒入祠日夜考核不辭艱苦遇有關畧者補錄之錯誤者更正之由仁公文勝公懋德公從祖字世系以下循序修明五世一提十世再提所有祠宇祭田陰陽宅址家規凡例文傳序贊均逐細詳明秩然不紊井然有條長幼序昭穆辨嗣續明親疎判無一不由此一舉而樂觀厥成焉况我族譜牒自唐宋元明以迄前清其間氣運雖有興替而提倡修輯者代不乏人一修於康熙壬寅一修於雍正乙巳一修於嘉慶癸亥一修於光緒壬辰一代之譜牒卽有一代之文人以爲之倡今日此舉人才雖屈而其本守先待之至意當亦可告諸於後世子孫也百世後以下千載而遙一展卷而敦本睦族之情可油然而生矣爰不揣固陋而敬爲之序

峇

中華民國十四年歲次乙丑辜月吉日

三十三世孫前清國學生文治瑞廷敬序

重修宗祠序

宗廟之設原所以妥祖考之靈奠神王而降祭典集羣宗而序昭穆爲宗法設施之地者也我族宗祠創建於前清康熙丁丑年者係墩上安宗公金宗公礪分清琇公裔孫之所共造也自咸豐年間粵匪擾境蹂躪南陵我祠慘遭者僅存空架高灘分雖有支祠一炬而光同治五年墩上冶成公礪分乾存公高灘貴卿公僉同立議磋商合修而墩上分以人丁稀少籌費無力愿將首事九名撥歸高灘分執受而高灘分亦願照股應費以資整理此三分之共修宗祠之所由來也不意年遠日久祠宇傾頽仍蹈故轍甚至春秋祀典莫能襄禮民國三年裔孫紫珂

目擊心傷倡首起義樂助洋蚨拾元以啟其先 諱錦漳亦助洋
蚨拾元以效其後並糾合三分族人隨風介卿公瑞華公葉青
公連城公有麟南方玉唐太和雲庭等先行立議按丁派費復
行整頓幸堆山公瑞廷極表同情踴躍從公共襄盛舉不數月
而寢廟奕七規模整飭上妥先靈下萃子姓者皆自我族人提
倡贊成之力也况先人之靈爽非宗祠則俎豆馨香之薦無由
而達後人之孝思非宗祠則焄蒿悽愴之氣無自而入一人唱
之在前數人和之在後雖我族人之和衷共濟殫精竭力亦未
始非我祖宗默佑之靈也是役也經始於民國癸丑八月落成
於甲寅三月嗣此以後不但祖宗之神魄有以安子孫之昭穆
有以序卽宗法亦有所憑依而無廢弛矣甚矣宗祠之有關於
子孫也大矣哉 余備述其原因一則表諸君之苦心一則備後
嗣之查考云爾

皆

中華民國十四年歲次乙丑仲冬月吉日

三十三世孫前清邑增生皖甯中學師範學校
最優等畢業其芳蘭如敬序

重修宗譜序

竊思萬物本於天人本於祖別祖為
 宗祖宗者子孫之根本子孫者祖宗
 之枝葉也枝分葉別於是乎有譜系
 以聯之所以序昭穆定尊卑別支派
 而分親疎也此前人言之詳矣愚何

必復贅但族譜重修於嘉慶癸亥年
其時囑我祖元齡公掌稿文交公與
善照公者同心協力相需以有成焉
彼時人才之盛生齒之繁承承繼繼
緒業彌隆迺歷道光年至咸豐年間
粵匪擾境蹂躪南陵四城六鄉受禍

者眾慄霧愁雲目不忍覩兼之大兵
之後繼以大疫流亡失喪而人才之
盛者忽衰矣生齒之繁者忽少矣何
暇念及乎祖宗而計及於修譜其後
間有以修譜之說與余言者愚以爲
瘡痍未盡起也元氣未盡復也趕緊

修譜毋乃難乎祖上旣開螟子一條
不如候人家各房歸各房設法承繼
以盡周道興滅繼之心衆心悅服準
余言行之日久仍多絕而無人繼者
遂向余開螟子二祧之律余曰此律
可爲定例耶可無背乎祖上家法耶

衆曰從寬耳余曰寬之又寬祖上已
對衆言耶祇以時異勢殊姑且從寬
焚香告稟祖座先立議合後談修譜
不得傳爲家灋以昭垂奕葉故遲之
今年清明日表白之先修祠宇添置
動用物件族衆以掌稿推余余羸老

矣可重任乎遂轉托庠生楨幹各允
楷者慨然以身任其責日夜查考不
辭艱辛而仕周字夢齡河深字方舟
和衷相濟可以觀厥成焉更有戊申
號夢蘭祖栽號超廷鐘秀號深山祖
愷號周士祖璜號瑞華武生字正邦

武生字定貴武生字楨祥祖便號壽
如蓉鏡號錦璋尙吉號鳴和桃花號
葉青貞喜號悅和鮮矣號仁美等共
十四人踴躍派費不吝已費兼催人
出費緣禮聘劉子印忠信者咸豐年
間前照老譜舊家規咸豐年間後依

現在新議合俟彙修告竣編字號分
領後雖飛非盛舉然各回家爲子娶親
生孫孫又生子子又生孫子子孫孫
庶幾人才之衰可轉而復盛生齒之
少可轉而復繁則此次之修譜雖非
祖上舊規而因時變通不仍爲盛舉

耶一時之從權庶可望萬世之復經
也夫後有作者當亦感慨于斯文是
爲序

峕

光緒十八年歲在壬辰孟冬之初

裔孫玉珂謹序

重修宗譜序

夫家之有譜猶國之有史史不修則善惡褒貶無所記
譜不修則昭穆次序有不明故史無一代之不修亦無
一代之不修也昔歐陽子序世系譏不知姓氏之所自
而昧昭穆之序者禽獸之不若老泉蘇氏云譜深慨夫
其初一人之身分而至於塗人是故讀歐氏之序者凜
然羞惡之心生觀蘓氏之引者油然惻隱之念起然則
譜牒之修有關於民教世風者豈淺小哉試溯我族之

舊譜自太平圩而遷居界山之東南曰墩上曰胡家橋
曰高灘上其地雖散處不一而至今脉絡分明自嘉慶
年間元齡公文友公善照公重修而後至道光年間可
謂人繁族大人才指不勝屈不意咸豐初立四方干戈
並起各姓家乘每多盡失而我族幸存舊譜一部此非
祖上之福與德乎今而追數于重修之日已相去八九
十年矣譜之重修也豈容緩哉故此合族通同喃議修
譜一例衆皆欣然曰善哉斯舉是用各分各村首事不
懼幸若不惜資財請老譜入祠溯祖尋宗而續修若干
部滿望後世子孫彌遠而彌盛以昭祖宗積德累仁之
所致也是宜聯綿綿于弗替所謂源深而流長本固而
枝茂者其以此歟嗣世者果能賢其賢而親其親積德
於冥冥之中布澤于昭昭之際立學訓童明宗續譜上
足以繼先人之緒下足以開後學之端使千載之遠尊
卑次序燦然而復明秩然而不紊則吾族家世之盛又
豈止於是耶余故樂爲叙云

光緒十八年歲在壬辰孟冬之初

裔孫夢蘭謹撰

重修宗譜序

今夫譜牒之宜重修者何也所以辨昭穆定尊卑按支派分親疎也自宋元明而後治亂不一屢經兵燹至咸豐年間四方干戈擾攘各姓家乘之所存者什無過一二如余族幸存老譜一部豈非我祖宗積德累仁之所致耶今而追余族譜重修於嘉慶癸亥年迄今九十餘載幾不知姓氏之所由矣使不以重修爲念將年遠世久子孫將莫知先人之生庚婚娶後裔而失考祖宗之

卒葬墓向者正自不少譜之重修也詎容緩哉故族長
憂之於壬辰春齊集宗祠僉同立議沐手焚香告稟祖
座既開螟子一條仍多絕而難繼遂向祖上開螟子二
祧之律族老西堂曰此律可爲定例乎亦但因干戈之
後姑設此權變之方耳於是遂請老譜入祠喃議重葺
西堂辭年邁不能重任囑余等入祠小心謹慎以贊厥
成余自知年幼見聞淺陋難任斯役稟諸余及錦璋曰
爾可承族老西堂之命小心而不妄變前規謹慎而密

考系牒以無負於譜事而已余退卽參考舊編湖厥本
源遙知吾族三分俱自遵公一脉而流傳也遵公籍新
安生二子而安生公乃其長子也傳十世家公由新安
遷蕪太平圩傳十二世海公棄蕪遷南卜宅界山清明
港子仁公復由清明港卜宅墩上家公之弟承公徙居
涇山頭胡村傳十五世而公以文勝名者則老河勘是
居焉遵公次子懋德登進士第累官至漕運遇難殉節
大義不滅其子清河載父柩歸經界山卜宅凌子塘西

而宗興公乃其苗裔也避難之後卜宅殿基山下今礪
分口傳老家頭礪者是其地然則吾族三分各爲村落
溯源窮流由未探本地固異處而譜系則同也可謂盛
歟今余移擔宿祠兩月有餘本小心以從事克謹慎而
不敗敢弁數言質諸族老西堂謬爲許可卽付諸梓人
而譜事告竣後庶幾可以仰答祖宗者在此卽後之賢
達其可以鑒察者亦以此也夫

光緒歲次壬辰大呂月

裔孫仕周夢齡氏謹序

續修宗譜序

國有史册民有譜牒其義一也盖國非史册無以知天
下之治安民非譜牒奚以稽祖宗之德業則譜牒之關
係不誠重哉我族宗譜係元齡公纂修於嘉慶癸亥年
其中某祖理學名臣生于某朝某祖雄才大畧仕于某
國某公自某郡而來某分由某處而至圖系支派炳若
日星予捧讀之下未嘗不歎前人之理稿盡美矣又盡
善也迄今九十有年矣今春清明祭日族老西堂夢煇

瑞菴超廷壽如等對族眾商議曰我族慘遭兵燹宗譜
全存者祇一慶桃公收執之譜耳茲清平已久人丁漸
茂何不以祖宗爲念以續修維殷乎于是眾皆欣然喜
歡然從卽商議入祠理譜祖父西堂辭以年邁叔爺瑞
庵推以公事二翁迭次命予理譜予自知見聞淺陋難
當此任堅不承命旣而翻然悟曰祖有西堂叔有瑞庵
才高學博見識遠大凡有疑議就而正之何容辭哉究
之文墨之力二翁居焉校閱之功仕周任焉河深與焉

至於辦理之功諸首事皆竭力無吝所有續修規例兵
燹前均率由舊章惟近來人丁喪失過多商議興滅繼
絕之道寬准親子三祧蛉子二祧於舊章不合處只爲
時勢所迫後世子孫繩繩人才濟濟當體此次實因干
戈之後姑從權變之方勿得藉口以爲背拂老例此乃
予與合族之苦心可告諸後代者也是爲序

光緒十八年歲在壬辰孟冬之初

裔孫允楷楨幹氏謹序

胡氏續修宗譜序

漢代東方朔有曰木華於春粟芽於室
彼人得其秀而最清其靈固鍾自天地
而父母祖宗乃其根也然致力於根者
必人傑而後可予家世春穀城東少時
嘗歷涉界山石磴巉巖泉甘土肥陌接
煙連風高俗樸龍山秀其前大河繞其

後形勢最勝知其間率多聞人焉後十
餘年而庚兄成候以次令郎履平受學
余門越三歲而相繼以就者卽今已沒
爵一公之令嗣隨父後亡而僅以成均
謝世之正非也及余甲將週館舍龍湖
胡氏後學濟濟祁祁抑又盛焉其時若
運中力學中年著纘承商儒亦皆園橋

觀聽而步雲翼傳容光凌霄輩勵志詩
書者日以增厥後凌霄雖僅一秀而終
天年其叔祖執中益深壯志而余門又
得以其嗣步雲親炙焉人文蔚起鬢序
蜚聲爭光前烈矣乃迄今而芹藻餘芬
且連及幼子童孫若用恒萃英鵬飛魚
躍愈未可量予自京師歸後學徒徧存

語及胡族輒心焉羨之茲癸亥仲冬而履平步雲容光忽以譜竣囑予序余曰美哉斯舉也周道親親親故尊祖尊祖故敬宗序以昭穆聯以族戚綴之以姓而萬派千支弗使秦越視者譜爲之也茲胡以家公徙自太平圩而東近宣境則爲文勝之裔南接涇壤又有懋德之後族散支繁親者幾踈重修在譜親親之義周矣問誰始此而曰族老我喬成侯纘承楷元應侯等是也楷元爲誰曰邇時應試慶謳之父也余乃未遑數及前勲或崇德或通經或翼戴公室或勵及廉隅者代有何人第卽窮派溯源宛遇仁人孝子之心珠聯絲貫卽是散

本睦倫之化上有以答高會下有以啟
孫子不賢而能若是乎他年趨櫻桃而
開宴摘紅杏以宣簪名題雁塔光耀門
庭其亦念茲弗替云是爲序

皆

嘉慶歲在癸亥大呂月上浣

之吉

翰林院檢討香墅葉馥拜撰



胡氏續修宗譜序

譜何爲而作也所以明統系辯昭穆紀
行實也漢唐宋以後治亂不一屢經兵
燹士大夫家其譜之存者什無過一二
譜固不可以不作也稽諸典籍曰克親
九族曰愔叙九族則宗支所傳誠弗可
略茲於胡氏徵之矣胡氏南邑爲巨族

雖散處不一而光榮宗祖在在表見焉
傳謂德厚流光余鏡胡氏流光之遠未
嘗不竊意其積德之厚也今閱胡氏宗
圖錫封始公滿自周秦漢歷隋及唐有
諱遵公者始居新安爲胡氏宗其來遐
矣遵公長子安生傳十世家公由新安
遷蕪太平圩十二世海公乃居南邑清

明湖全號墩上胡是也而家公之弟永
公由新安徙涇山頭胡村傳十五世文
勝公者由涇徙居老河墘卽今大埂內
外人文濟濟新廟奕奕所稱高灘胡者
乃其苗裔也遵公次子懋德登進士第
累官至漕運遇亂殉節大義凜然其子
惟清惟河載父柩歸經界山卜宅凌子

塘西十四世宗興公乃居殿基山下今
橋分所稱老家者是其地然則胡氏三
支各爲村落而溯流窮源由未探本實
爲一體所分矣山明水秀代不乏賢文
獻足徵猗歟盛哉第譜修自雍正乙巳
距今七十餘年矣我喬成候楷元懼夫
生齒愈繁族情易渙渙則宜萃萃則宜
修因慨然以譜牒爲念以追報爲心於
先遠覩縷其源流於祖父詳臚其行實
俾統系昭穆無復郭公夏五之靡稽瑩
域方向不同荒陵智井之莫識網遺搜
漏正僞訂訛務求徵信壽諸梓以貽厥
後嗚呼譜之修也仰而觀之有祖宗焉
則孝敬之心油然而生俯而視之有子

姓焉則慈愛之念勃然而起長幼以叙
倫理以明三本一木瞭然在目其有補
於後也明矣昔韓魏公有云謹家譜而
不忘先塋者孝之至也則夫胡氏之輯
宗圖者亦韓魏公之意也諸君屬序於
予夫諸君固鄉之端厚人也予素嘉之
而是舉又仁人孝子用心之遠且大者
不辭謏陋承其屬而遂爲之序

嘉慶癸亥孟冬之初

宣城邑庠生梅汝鈞頓首拜撰

續修譜序

蓋自錫命受氏以來支漸分而派益別一本也則萬殊
矣如我族錫封始公滿自有周秦漢而下以迄元明散
居各邑其間榮光宗祖名垂史冊我俊公字卓成者歷
叙前勲愾乎如見甚哉其言之詳也第予族支分宗以
遵公而安生公其長子也傳十世孫家公由新安遷蕪
太平圩十三世仁公乃居南邑清明湖家公之弟是爲
永公徙涇山頭胡村十五世而公以文勝名者則老河

勸是家焉至懋德公始居新安其子惟清河載父柩歸
經界山卜宅凌子塘西而宗興公乃其苗裔也避難之
後徙居殿基山下吾族口傳老家者是其地當年漢超
名傑公者叙其由而余稽譜誌遂得晰言之使奕世知
夫一脉相承地固異處而譜系則同也迄今時地或殊
有譜以聯之昭穆則於焉序尊卑則於焉分而族屬更
於焉悉極乎上而遡之圖系已確因乎下而究之支派
咸明渙者得以萃之其孰非譜之制也乎特譜修自

國朝雍正至今七十餘年承祖佑之靈繁衍益盛生更卒
葬慮遠難稽族公維杖維籌父善謀年皆八旬詣祠偕
叔善字元梅善實兄慶泰等照丁議費以資續修而元
齡叔乃慨然身任斯舉纂成譜稿更糾合各分有能者
同心協力禮聘汪子肇尊彙修成帙前承祖訓後昭節
次使知一本散爲萬殊而萬殊仍歸于一本也夫

嘉慶八年歲在癸亥季冬月

裔孫文交謹序

續修譜序

譜牒之作昉于長公世家意乎明氏族
以著本聯支派以萃渙其秩倫昭序正
宗闡徵所以維人心翼世道其義猶史
非眇小也我祖 遵公籍新安生二子
長曰安生次曰懋德安生公生子清源
傳十世至我家公遷蕪太平圩遞傳十

故氏宗譜 卷一
二世海公棄蕪遷南卜居界山清明港
子仁公復由清明港宅墩上家公弟永
公遷涇山頭胡村傳十五世至文勝公
由涇山頭胡村徙居老河墘乃懋德公
者安生公之弟也遇難殉節子清與河
載父柩歸道經界山卜宅于其東卽今
所稱老家者如鼎足而立莫不昌阜又

有散居於橋頭者因以胡家橋名斯三
分者固知皆自新安遵公一脉而發祥
也可謂盛歟厥後我祖俊公慨族之齒
日繁居日渙將服屬綿邈而幾不可復
識也爰謀諸傑公忠管公於雍正乙巳
歲議修族譜不吝已費統宗合纂俾世
系聯貫倫序而不紊者皆余祖俊公傑

古史記 卷一
公忠管公相與以有成也迄今蓋有七十餘載矣重修補輯責豈容辭余父年屆八旬心有餘而力難任族兄善謀元梅善字等踴躍捐貲議修譜牒以立稿屬諸元齡而文交與予共爲協訂爰上遡其世系支流下分其尊卑派行使本本源源知所自出而且昭穆序尊卑辨

疎遠分脉絡清傳之百世固爲一家之史也而可弗慎歟後有繼者當亦無易乎斯篇

崧

嘉慶癸亥歲孟冬上浣之吉

裔孫善照謹序

續修譜序

國以史傳而家以譜重史也者馳古今而上下貫經傳而旁穿
或稱實錄或易編年惟班史之嗣興而精思以盡下如沈休文
於宋簫子顯之於齊滋後代之譏者正自不少九以史倣春穉
之例法精義遠文簡事詳誠難之難者矣譜正家乘耳史云乎
哉然而先儒之以譜重者未嘗不各有名言如程子謂文人不
忌本須是明譜而朱子則又言三代不修譜卽爲不肖至歐公
乃曰族之爲言簇也尙夫聚而有別也姓之爲言生也本其所
自生也氏之爲言示也示有所自分也川流派別當知同源人
代散殊當知同祖知同源必不啖醜浚清濁之異知同祖則不

學秦越魯杞之視譜条之重其言信然胡之錫姓自周周以公
滿重而公滿子則爲相公後以司空徙居安定譽望特隆其氏
以胡稱者蓋皆宗以舊號矣然胡之得隆名於祖者秦漢不乏
人至宋如安國者謚曰文定靖康時嘗爲侍讀專講春秋所著
有春秋傳於經義固嘗通悉至其忠心耿耿辭論有補于闕下
不徒識在許公而人共欽仰豈惟照一姓之雅望也哉至元而
明文述著特以遷徙易地支分而祖卽各屬如我祖遵公官拜
吏部侍郎生子安生懋德地復各遷別子爲祖繼別爲宗而枝
葉又復繁盛矣不有譜以叙之非忘本卽失派也石林公嘗謂
譜之一書祖宗之所自出子孫之所由分胥由此考愚故承族

我喬伯成侯兄及楷元纘承諸昆弟輩之命辱以譜稿上自高
曾下逮孫子溯源窮流而系以五世提舉使後世知昭穆之分
更識親疎之別記曰自仁率親等而上之至於祖自義率祖等
而下之至于孫子又生子孫又生孫聯五世之親屬百世之派
系牒以明而各分以秩是譜非以誇譽望隆閱閱也卽文以彰
之亦差如春秋之書職書事令後人朗如日星審所崇尚以喻
乎祖功宗德而識乎源遠流長後之視今亦如今之視昔一脉
相承咸知感憤矣以故前有宗譜俊傑二公旣以採其本茲復
編輯奕禩而下亦得以究其源又况遵祖敬宗之道於是焉存
親睦敦篤之意亦於斯而長也哉譜成而更輟以叙後有賢嗣

庶覽觀而念厥祖云

裔孫元齡謹序

舊序

乙巳東廷桂邑庠生

詩曰維岳降神生甫及申古來名賢傑士卓犖不羣未有不天鍾其秀地效其靈者也獨是鍾之者天地而生之者父母至父母所由生有祖宗故人之以功名才學見稱於當時不若以睦族敦倫流傳於後世所以堯舜之道孝悌爲先文武之政親親爲大然叔季之人情往往視骨肉爲秦越何也良以譜誌之不清則世系易淆脉絡易混淆者疎之有由來矣古之仁人孝子未有不亟亟於譜誌者譜之所係綦重哉陵陽之東有界山界山之下山環水帶泉耳而土沃產其地者類多名族聞人胡子卓成漢超益宣子高者代居於斯冠裳禮樂揖遜雍容不特以功名才學著其盛尤能

以睦族敦倫古其風是蓋天地之淑氣所鍾故代不乏名賢傑士
焉一日者予閑遊其祠見諸公咸集議修譜誌不禁喟然嘆曰美
哉斯舉也此仁人孝子之所爲也及細閱其舊稿世系詳其新彙
脉絡知其源發於有虞氏之胡公滿相傳迄今數千百年而一綿
之延萬派之分明猶鏡火炳如日星俾後世子若孫因末及本從
流溯源譬若登山者觀其層巒疊嶂嵐轉峯迴而知其祖起於崑
崙臨水者觀其弘波巨派浩渺奔騰而知其源發於星宿庶踈者
皆親而親者不失又何患骨肉而秦越哉然則吾友是舉也誠睦
族敦倫之至意不獨見於一身型於一時亦且詔繼世以孝悌啟
後昆以親親孝子不匱永錫爾類其斯之謂歟由是光昌日盛簪

纓疊出鍾天地之秀靈而爲百代後之名賢傑士慎不可忘今日
之苦心彙集損貲刊刻者云

舊序

乙巳世傑泰臨漢超

國之有史所以紀是非載治亂而綱紀飭家之有譜所以聯族屬
 明世系而源流清則譜之重也實與史等譜其可以已乎哉夫木
 之植也有其根水之流也有其源而人之生也本於祖自祖及今
 生育衍茂萬派千支不可勝紀揆厥攸初降自一體故有譜以誌
 之而上溯宗祖之所自下詳族派之所分序昭穆而別尊卑秩親
 疎而明遠近俾後世子孫源源本本昭然可考尊親之誼由此隆
 雍睦之情由此敦甚矣譜之不可已也予始祖遵公籍新安生二
 子安生懋德安生之裔仁公由清明湖卜居墩上而其子老河勘
 是居者則文勝公也至懋德公之裔惟清與河即於界山東是卜

焉越今數十世譜牒未修派別支分年遠情渙幾若秦越予祖學
公開公立意續修有志未逮至伯珂公訓公瑛公父忠璣公創建
宗祠事已告竣即欲繼志又以接年災荒故而中止今兄世俊懼
夫年愈遠而情愈渙也慨然躬親其任不吝己費謀之諸父昆弟
而忠管叔願爲同心協力倡先世明世勝世德等亦躍然任事成
斯盛舉因以譜稿屬予予思吾胡氏自有虞以來傳世莫可紀極
且遷居移徙都邑異域欲一一聯合爲譜非蒐羅遍天下不能今
第就予族所親者而記之成一支譜序次立稿禮聘程子季昆繡
如聘賢彙修成帙尊所自出則系始公滿詳所同出則祖始遵公
派析本支倫叙昭穆齒班少長分闕親踈雖不敢上擬信史而族

屬聯世系晰庶可爲合敬同愛之原敦倫睦族之本也歟

舊序

乙巳世俊卓成

人之所謂宗譜者何說哉蓋宗者王也所以上記祖先德業以爲後世祖述也譜者普也所以普誌前人之生庚卒葬婚娶等事不致遺忘也故漢有氏族誌音普設撰譜員魏立鈔郡狀唐著姓系錄宋纂姓字苑書雖異名而其索宗功貽後昆後先一轍也余族生齒日繁人文蔚起思木本之發越而不忍昭穆之失序念水源之流長而不欲族屬之失聯衆心踴躍續修譜誌稿成囑余言余思夫敦倫睦族尊尊親親諸君之說備矣余何必言然自有周以迄國朝我祖若宗或坐黍廟議而致玉澤民或奮武疆場而封侯錫爵或道合則從不合則去殷然效孔孟之憂勤或不願膏梁不慕文

繡卓然蹈巢許之高風其間盛德大業壁立千仞者代不乏人焉
諸君概未道及上既無以彰宗祖之世德下復無以立奕代之觀
瞻余又何能已於言哉因不揣鄙陋網羅經史如我滿公夢月投
懷遂角胎而生焉厥后封爵娶姬以開胡氏之族偉哉莫可尙已
若相公敷教道正典禮其襄周道之化成庶無愧於乃父乃祖乎
所謂坐朝論道者是也無何周道浸衰而海內之賢人傑士遂星
羅於列辟我傅公仕齊破燕軍復故疆功載盟府位列上鄉爲我
族武功之倡不且與田將軍之名共輝映於千古哉越數代而義
公出焉從高祖拒強秦據陳倉之粟立漢不拔之鴻基雖曰蕭相
國之謀而披堅執銳公力居多焉高祖既歿七國不靖計甯公席

乃祖之雄威義勇奮發拜表卽行諸叛臣望風奔潰授首馬前以
功封安定郡王宜哉漢自中葉莽賊篡逆雖歷事三帝如慎言公
亦挈家棄職避難歸山豈以坐叅廟議則優奮武疆場則紬與抑
逆知家生麒麟莽非其敵故遂以誅賊之任付之文通公耳他如
闕內侯盾公出將入相定遠侯蔭公刺史著美陵公之兵部擅能
學公之散騎常侍越國公大海大將軍通海等雖不僅以武功名
世而其武功正未嘗不彪炳於天壤間焉若杲公之賜老歸田香
山自適至今誦鑿落酒斟拚酪酌香囊高掛任氤氲之句猶想見
其明月清風之趣也安國之聞召卽起義不苟合至今讀大冬嚴
雪松柏獨秀之辭每嘆服其確乎不拔之操也且宣公之剛直被

古史卷之四
諸銓公之面折廷靜晉臣公之用心輔政致中外於帖然善公之
正色立朝抑奸邪於不作庶幾與孔孟之以道事君不欲枉己者
若合符節哉至隱居自適不求聞達如憲公朱子所謂空谷幽人
一川風月者真確論矣寄跡書樓著書見志如宏公又朱子所謂
正蒙一書規模大知言一書規模小者豈虛語哉况嘗讀周易本
義附錄纂疏啟蒙翼傳諸書更穆然於廷芳公之退而講學者實
不能行道於當世欲傳道於後世也豈徒慕巢許之高風蕭然遠
引已哉余因之有感矣上溯歷朝我祖功宗德照耀史冊者彰彰
如是元自明以迄

國朝雖書香不替求如前人之品行高超德業丕著者罕有其人豈
天道有盈虛人事有屈伸而余族之氣運亦有盛衰乎蓋因以文
藝爲進身之階以貨財爲壯身之具縱有美盾限於器識故耳余
所以歷序前人之盛德大業於宗譜篇端者固非誇多閉靡併非
表揚盛族實欲後之令子賢孫慨然興仰止之心而懷失墜之懼
則是譜也不啻師保之在前董誡之在後矣豈徒曰敦倫睦族尊
尊親親而已耶

祖塲 扶貝 孤

唐吏部郎中遵公像



胡氏宗譜

卷一

像贊

一

二

夫像者象祖宗之容觀也贊者贊祖宗
之功德也伏觀宦宦彰著世澤昭垂赫
濯聲靈煥乎其不朽者皆祖宗之有威
可畏有儀可象者也表之于斯俾後世
子孫瞻仰神光弥深景慕庶繼之承之
克繩祖武志詩書而光門第景忠烈而
大功勳則後日之象笏滿牀簪纓百世豈
第吾族之先也耶

唐進士懋德公像

胡氏宗譜

卷一

像贊



贊

世襲父職

光祿象賢

勅賜新邑

食石二千

季弟八人

公首屈焉

越國公大海



明氏宗譜

卷一

像贊

四

贊

官拜進士

始居新安

後加漕遭

遂卒于官

為胡始祖

子孫繁多

宋寶文閣學士安公像



像贊

五

讚

文武兼備

智勇雙全

功佐開國

史冊稱賢

徙居春穀

有美必先

勅賜國公

後嗣綿綿

宋忠臣銓公像



贊

學宗程子

欲黜羣邪

因上時政

二十二篇

命講春秋

語驚四筵

嚴冬松柏

獨立人前

宋名臣晉公



胡氏宗譜

卷一

像贊

七

讚

不服蕭邦之勢

不附秦檜之權

滿朝忠臣退隱

只留邦衡一賢

明資政大夫仁昉公像



明氏宗譜

卷一

像贊

八

贊

忠昭夜日宗淳秋
霜華風烈之存度
堂之熱苦名存地
文五長

讚

明朝進士連科

後官資政學士

生平白玉無瑕

卒得文靖美謚

條訓引

天生人而氣稟物欲之累甚矣聖人爲斯民立命

崇正抑邪諭以禮樂詩書而怵以悔亡災害言教

殆盡然或有教化莫及者

聖天子重以律令範以規條士民蓋胥賴焉讀法講射州

長黨正古制昭然而比鱗撻罰如閭胥所掌何一

不曲體以存先王之教特鄉井雜處思垂族訓以

彰善癉惡尤必體

先聖及

朝廷之意著家乘以昭士民之範使知敬祖宗卽不
得不嚴法戒條訓列左庶其凜之

九例

一譜例法兼歐蘓圖傳合一庶世系事實開卷瞭然其篇帙浩繁
者另載藝文集

一系圖上自始祖下至玄孫五世一提玄孫再提而爲九世又再
提而爲十三世以至提之無窮溯而上之則見本源之所自順
而推之則見流派之所衍

一五世再提分房屬派由大宗以及小宗首書某公支下某公派
長房系明則續提二房二房系明則續提三四房綱目清楚庶
無蔓延紊統之弊其各房小支義例亦然

一修譜與史筆不同史以明治亂垂法戒故善惡並書譜以正宗

古月朱詩 卷一
先聖及

朝廷之意著家乘以昭士民之範使知敬祖宗卽不
得不嚴法戒條訓列左庶其凜之

九例

一譜例法兼歐蘓圖傳合一庶世系事實開卷瞭然其篇帙浩繁
者另載藝文集

一系圖上自始祖下至玄孫五世一提玄孫再提而爲九世又再
提而爲十三世以至提之無窮溯而上之則見本源之所自順
而推之則見流派之所衍

一五世再提分房屬派由大宗以及小宗首書某公支下某公派
長房系明則續提二房二房系明則續提三四房綱目清楚庶
無蔓延紊統之弊其各房小支義例亦然

一修譜與史筆不同史以明治亂垂法戒故善惡並書譜以正宗

派篤恩義故書善而不書惡爲親者諱也

一譜傳倣史記兼漢唐以下家法書諱書字書號書生年月日享

壽若干葬某處某向全壙者則書合葬

一凡名字有犯尊長之諱存者更之亡者音相近而字不同者因之

一圖系書諱下凡有科甲貢庠及國學納職鄉耆之類卽於註明

其出仕某官者則書某官以彰人品

一婦之父有官則書某官之女無官而年高有德者則書某處士之女所以伸敬也非此類者則直書曰某人女

一女以名註父傳稱適某許聘某以名其有家也其壻甥有顯爵

高德足光門第者則書其官號

一凡立繼者立本宗昭穆之子爲嗣系卽以紹其派於所生父傳下書第幾子往紹於某於所繼父傳下書某人第幾子來紹長子不得爲人後其有雖係同宗而尊卑失序者遵律條不書其有出紹外姓者註明以聽復姓歸宗

一譜系所以傳真派鋤僞種也異姓併隨母子不許承繼以骨血不屬徒自絕也且律有明條鑿鑿可畏若不嚴加黜削恐習俗冒昧愈繁愈雜紊亂真宗大失修譜之義矣

律條開後

其有乞養異姓義子以亂宗族者杖六十若以子與異姓爲嗣

者罪同其子歸宗若立嗣雖同宗而尊卑失序者罪亦如之其子亦歸宗改立應繼之人

一婦人夫死再醮與有罪被出者雖有子夫傳下不書以義絕也止於子傳下書嫁母出母某氏所生以子不得絕母也或既嫁與出後復歸養於其子仍從嫁母出母例書以義不可復屬也

一嫡妻蚤卒無子女者書之以崇祀但妾無子女者則不書所以正尊卑貴賤之分也

一妾之名雖同而實有異凡以禮娶者則曰娶妾某氏不以禮娶者則曰納妾某氏

一嫡子年雖少父傳下則書於前以紹嫡派庶子年雖長列名於

後繫圖下則以年齒昭穆序之

一傳讚所以叙事實美功德也凡男子不論仕隱有忠孝節義可爲子孫楷式者則立傳讚以頌揚之婦人無論妻妾有節孝懿行者附書於夫傳內女有節孝懿行者亦附書於父傳內摠皆核實傳真使後人有所景慕年未至五十者且未立贊特於傳內謹書之而已

一男子爲樂藝僧道義男姦盜過惡併侵犯祖塋盜賣墳地及婚娶不計良賤者並削其名不書

一凡出仕者領受 誥勅封贈之文必謹書而錄之尊君命也且使子孫有所景仰

一先世親故所贈序銘記誌哀挽詩文行狀等作係先人實錄贈
自各筆者併錄之使爲一族之表

一祖宗筆札或自作詩文堪垂不朽者亦皆錄之所爲手澤也謹
載之

一各處墳墓皆先人神魄之所倚子孫所當永守今未繪圖但於
各傳內書葬某所某向使後人有所稽考以防迷失

一凡有爵有德者書卒常人書歿有失其年月葬所無可紀載書
失傳子女俱無者不書絕而書止不忍斥言之也無子而有女
者書無嗣蓋以嗣雖止而氣類猶未止也男子未三月不爲殤
七歲爲無服之殤俱不書八歲至十一歲爲下殤十二歲至十

五歲爲中殤俱於父傳下書某子殤十六歲至十九歲爲上殤
及二十歲以下此皆繫明立傳以成人也以上無子者止於各
圖附傳遇五世不另提以其下無續也女子未聘而卒者不書
以未成人婦也

一子孫有遷居外里立業成家者傳內詳書其事庶世遠不致迷
失

一祠廟祖宗神靈所棲子孫奉祀之所前廟後寢週圍餘屋併丈
量四至俱謹記之

一同姓異宗雖富貴不許冒認以亂宗派

一譜後擇立宗子宗相併立家規

一譜有六不書

一曰棄祖

祖爲身之所自出有祖而不敬是棄之也與凡不孝不弟及身非祖脉者皆棄祖類也故削之

忤逆不孝毆親致死者不書 兇暴橫行毆族致死者不

書 奸生妓生及螟異姓子以亂宗族者不書

二曰叛黨

君臣之義同于天地背君者不祥凡有藐視王章干名犯

義者直與叛黨同律

古氏宗譜
大逆無道者不書 欺君蠹國虐害下民者不書 爲書
吏舞文連累宗族者不書

三曰刑犯

五刑之屬三千而罪大者不赦三尺凜凜自千憲典國法之所不容卽爲家法之所必棄
巨惡已經大辟者不書 絞流黜削者不書 無故將婦人縊死圖賴者不書

四曰敗倫

五倫爲天下之達道彝倫不敦是禽獸也敢有敗常瀆亂者嚴之肅家聲

欺公滅祖者五倫乖戾者不書 烝淫反常者不書 同姓爲婚者不書 將妻妾典顧與人並閨中有穢行者不書

五曰尚義

義者宜也行不合宜則與眾棄之毋滋虺蜴塗毒良裔與娼優隸卒爲婚者不書 母出廟絕者不書 失譜牒以亂世派者不書 修譜吝費而自甘棄祖者不書

六曰雜賤

貧而賤非賤也甘爲下流斯乃一族之所鄙削去其名以爲立志汚下者勸

現爲人奴者不書 爲娼爲優爲隸者不書 爲僧道棄

君親者不書 八歲至十五歲爲殤死不書

家規 十八條

一 慎祭祀

古人重祀先所以敦本也家禮著祠祭奠祭之文而祠祭尤詳要必備物致敬方可通幽合漠冀其來享近或以故事敷衍懈怠不虔甚至以財物儉其親牲幣之間任意菲薄夫古人菲食惡衣而孝享必隆今自奉不薄顧薄於奉先可謂孝乎况每歲中或賽會或醮請或演劇又或整理庵觀佈施僧道朝山拜頂所費不貲獨斤斤於祖先之祭較量錙銖嗟乎不愛其親而愛他人者謂之悖德不敬其親而敬他人者謂之悖禮若不愛敬祖考而愛敬左道真悖德悖禮之罪人矣

彼且以佞佛誑道爲福田利益殊不知無祖考是無此身更將何物去求福利故無論福利之幻妄就使如世俗所言而佛老設教亦唯以孝行爲先必不舉蔑祖遺親之人而福利之奈何醉生夢死而不知也豺獾皆知報本人而忘本罪必首加

一敦孝悌

父母者身之根本兄弟者我之同胞故立愛立敬皆自此始若不孝不悌雖有他善亦不足齒况薄於父兄而厚於他人亦無是理但孝者順德也切戒忤逆弟者遜道也切戒悖傲忤逆父母悖傲傲兄長律有明條重則首處依律輕則公議責

治至其犯父行者罪如子犯兄行者罪如弟決不姑貸各宜

凜省毋自干戾

一肅閨闈

男正位乎外女正位乎內外言不入於內內言不出於外禮有明訓矣蓋夫婦爲人倫之首閨門乃王化之原是以男女有別自古重之婦職主中饋苟非井臼之事不得閒步外遊至於人前說話惟嬌居子幼者稍可原諒若子已成人卽嬌婦亦不得輕出他如庵觀寺廟尤不許婦女燒香甚或不敬公姑不和妯娌鬻凌詬罵尤屬可惡諸如此等婦犯罪坐其夫母犯罪坐其子慎之慎之

一端蒙養

古人胎教不可望矣蒙養不可不慎也始之以灑掃應對進退養其身也繼之以詩書禮樂養其性也稍長則出就外傳正字義辨音釋截句讀正威儀慎言語學謙恭讀孝經小學等書庶幾少成若性大人之本立矣

一禁招養

家貧子壯則出贅尙以爲秦人之頽俗況子死而爲婦納贅乎婦不能矢志柏舟養老卹孤爲翁姑者嫁之而撫其孤可也不則隨母寄養長大收還可也顧爲之招夫托名養子卧榻之前容他人瞋睡妻其妻而子其子將令死者何安況異

姓同居嫌疑莫辨最當嚴禁

一厚宗族

同族之人自今日觀之各成一家各具一體原其初皆一氣之親也顧或以微嫌小隙片壤半文操戈一室祖先有知能無怨恫乎嗣後凡有不平事須投戶族長準情酌理細爲處分不得逞忿廝鬪如少凌長卑犯尊理直則先治其觸犯之罪而後雪其冤理曲則責罪有加至酗酒犯上并不問曲直唯加重懲尊長亦不得欺凌卑幼并據理罰處同輩之人詈罵廝打罪以先後定其輕重強暴懲然後處分所爭之事尤不許遽行構訟如恃刁悍公呈重處

一睦鄰里

古者同井共溝則相友相助比鄰而居雖雜以異姓自當親睦乃以睚眦小怨至相構不下何風之薄也甚或忘身及親累辱同宗尤所宜懲嗣後我姓子弟與鄉鄰異姓犄角如我姓理曲卽執家法處治以全鄰好如其理直小則容忍大則鳴之鄉長呈之公庭所謂有理不賭聲高自可伸雪切戒打降以防後患

一勤職業

士庶家子弟樸者緣南畝秀者業詩書皆本務也然或田不足耕資不能讀亦必如鄧禹之子各占一藝蓋工商之屬雖云末務實佐士農之所不逮而本末相資總以人有定業卽有定志可以安生理全性命否則蕩廢閒遊而匪僻之行作矣茲議凡有子弟之遊惰者卽加詰責并坐其父兄縱容之罪至於士農工商既有職業卽各宜勤苦則規不能盡

一効輪將

君親等重而小民之所以奉上者無他唯樂効輪將而已錢糧自封投櫃漕月水次納倉 憲示煌煌誰不當凜乃或吝惜脚步貪愛便宜轉托他手積欠拖欠差擾不已墊完兌票重課受累而包攬規避前銀烏有棄之可惜爭之無益稟之公庭反貼己囊豈不討惱此等似無大罪但錢糧重務國法

卽闕家法故諄切戒之至若包攬錢糧致累他人有干憲典尤所不宥

一安本分

人無貧富本分中自有生活如富謹禮節貧務勤儉其本分也顧不守本分妄作非爲甚至挾勢欺占倚窮鏹騙終日營營謀算他人究竟所得不償所失徒惹千人唾罵而已又如貧富相仇恒在財帛之際而田土爲甚不知田土買賣自有律例當遵無許多事要之富者固當恤貧貧者亦不得忌富至若不守本分竊取他人財物尤爲不法如有此等發覺重處決不少貸

一去奢侈

勤以開財之源又必儉以節財之流蓋天地生財止有此數苟服食器用之無度則物力不繼而匱乏力見矣故量入爲出自有定式而不容過也至於暴殄天物尤犯陰譴不可不戒但儉者美德也而必以中禮爲貴且所謂節用者自奉宜約耳若大事則有不當從薄者今人自奉甚厚且凡設醮演戲及一切無益之費不惜多金獨至牲醴祀祖甘脆養親詩書課子等事反不勝吝嗇顛倒錯亂宜從規正

一點浮華

樸實者誠浮華者僞容貌辭氣之間而人品心術見之矣故

凡子弟言語虛夸容貌粉飾卽當戒飭且浮華之人一味矯詐往往越理犯分而聲氣所投亦易違正狎邪漸不可長防之宜急

一禁賭博

士農工商各有定業何得相妨近有賭博之徒荒廢職業如狂如夢典衣罄產皆所不顧若不嚴禁何以教家嗣後本族有不肖子戲弄牌骰并窩賭及藏牌骰者卽遵 朝廷律例家法重處倘怙惡不悛斷正典刑

一審交遊

近來者亦近墨者黑其漸染使然也故與正人遊不期而化於正與邪人遊不期而化於邪交遊之際何可不慎凡子弟往來一有敗類卽當禁止若踪跡詭秘之人尤必詰問拒絕子弟外出務有定所定期踰期必究防其彼誘賭飲狎妓爲非至結社聯盟更犯 國法宜加嚴戒

一遵禮制

禮者俗之綱維凡冠婚喪祭自有一部文公家禮在隨人可行世俗婚用鼓樂喪作佛事祭演戲劇非禮也然婚禮用樂務飾觀聽而已貧而儉者猶不爲至喪作佛事則人皆以爲當然不知氣聚則生氣散則死死如燈滅此言誰不聞之乃狃於超薦輪迴之說建齋禮懺不惜多金而衣衾棺槨反不

盡心全不懂何實何虛愚迷難曉一至於此又祭祀用樂止
鼓吹而已度曲乃樂府餘調新聲濫觴故歌伶歌妓同領教
坊而呼爲娼優舊以侑酒洽歡乃近人尙鬼以之賽神曰戲
愿此鬼方娛神巫覡歌舞之俗也而漫及祭祀尤大不可祭
以敬爲王不以戲爲敬淫樂懼褻自當規戒

一辨術士

術士不一而其最誤人者莫如陰陽堪輿兩家蓋時日支干
孤虛旺相先儒不廢但拘於吉凶之說如男女婚嫁之愆期
父母瘞葬之曠日此爲陰陽家所誤也孝經云卜其宅兆而
安厝之然第曰卜之而已非有形勢風水之說也又稽之先

儒第曰辨土色之光潤草木之茂盛他日不爲道路不爲城
郭溝池不爲貴勢所奪不爲耕犁所及而已非有所謂真龍
真穴也第曰地美則神靈必安子孫必盛而已非如所謂富
貴可立致食何祿作何官也夫祖父與子孫一脉相傳祖父
之枯骨不朽子孫應有昌盛之理然爲子孫者豈可計及昌
盛而始葬其祖父耶禮大夫三月而葬庶人踰月而葬唯循
禮之中不敢置其親於水蟻於心乃盡耳今爲富貴而謀葬
是居親爲奇貨不得則夙暴棺骸罪孰大焉此爲堪輿家所
誤也且誤於陰陽家者如擇葬日或利於此而不利於彼則
兄弟有相爭之隙誤於堪輿家者或破壞先塋或侵占他界

則將拋棺棄骸蕩產破家此皆求福而得禍最當謹戒毋爲所惑

一置祭田

宗祠之有祭田原以備修葺供祭掃而設其田令佃戶畊種租稻戶長踰看覓齊入倉本年祭品酒席完納錢糧等項公同立帳簿一本凡一應出納面爲登記清算各錢花押於其上以免改塗之弊其稻存貯本倉貴則作銀賤則加稻爲祠興利不得借公以爲肥私倘各分有措借不還者責在本分戶長催促勿縱刁頑倘果係鰥寡孤獨貧不自保或親老不能舉喪者諒爲捐助如或經手之人借端射利查出見一罰

十修理祠廡另擇賢能者以代之

一示勸懲

子弟有孝友之行動遵禮法者合族優異之憤志讀書者當助以膏火之資成名者厚賚之膏年有德卽呈請褒崇婦女貞節除存恤外仍請恩施公事能捐助者當勒石以獎他若教之不率法之不懼廉恥道喪大惡不悛玷辱先人者則斥逐不許入祠

醒諭
中禱

孝順父母 尊敬長上
和睦鄉里 教訓子孫
各安生理 毋作非爲

孝順父母

人生在生上聖賢皆可作須從孝上做起順上行去這孝順
二字是人所最要緊的事若是人能孝順就是好人若不孝
順便有法懲治他了看那

大清律上有云

一子孫違犯祖父母父母教令及奉養有缺者杖一百

一子孫罵祖父母父母及妻妾罵夫之祖父母父母者並絞

毆者斬殺者凌遲處死

一居父母喪而身自嫁娶者杖一百離異

一聞父母喪匿不舉喪者杖六十徒一年喪制未終釋服從吉及居喪男女溷雜飲酒食肉者各杖八十
一棄毀祖宗神主比依棄毀父母死屍者律斬然則人可不孝順父母哉

尊敬長上

尊以禮言敬以心言禮從心出不是虛文人凡遇尊長在上一切稱呼拜揖坐行言語之間都要事事盡禮實實敬讓纔是好人若不尊敬長上便有法懲治他了看那

大清律上有云

一弟妹毆兄姊杖九十徒二年傷者杖一百徒三年死者斬
一姪毆叔伯父母姑外孫毆外祖父母加毆兄姊罪一等故殺者凌遲

一凡毆罵總尊長以上加等杖笞

一凡奴婢罵家長者絞毆者斬殺者凌遲過失殺者絞

一各處刁軍刁民挾制官吏陷害良善起滅詞訟結黨捏詞誣告把持官府不得行事等項重者發邊衛充軍仍於本地方枷號三個月

一官司差人追徵錢糧勾攝公事而抗拒不服及毆所並人者杖八十傷重者杖一百流三千里篤病者絞死者斬若逃

避山澤不服追喚者以謀叛未行論爲首者絞爲從者皆杖
一百流三千里其拒敵官兵者不分首從皆斬妻妾子女爲
奴財產入官父母子孫兄弟皆流三千里然則人可不尊
敬長上哉

和睦鄉里

凡鄉村城市同街共井都是鄉里既謂之鄉里則與我田里
相連房屋相比切不可因些須小忿構成大釁失了同鄉共
里的和睦必須出入相友守望相助疾病相扶持凡冠婚喪
祭之事俱要致敬盡禮這纔是好人若不和睦鄉里便有法

懲治他了看那

大清律上有云

- 一凡罵人者笞一十互相罵者各杖一十
- 一毆人吐血杖八十折人齒指髮髮者杖六十徒一年折肋
眇目墮胎及亦傷者杖八十徒二年折肢瞎目者杖一百徒
一年瞎兩目損二肢以上並杖一百流三千里將犯人財產
一半養贍仍引持覈事例充軍
- 一凡共毆致死下手者絞元謀者杖一百流三千里餘人俱
杖
- 一將田宅重復典賣者以所得價錢計贓准竊盜論田宅從

原典買主

一盜賣冒認并虛錢實契典買及侵占他人田宅者杖八十
徒三年朦朧投獻官豪勢家與者受者各杖一百徒三年投
獻之人仍引例充軍然則人可不和睦鄉里哉

教訓子孫

人家子孫宗支要他接續家業門戶要他承立養生送死要
他周旋子孫一身關係匪小為父兄者必須教訓他敦請
嚴師設立規矩斂其性情使其知禮識義士農工商各歸一
業這纔是個好人若不教訓子孫聽那子孫所為設若那子

孫所行之不善便有法懲治他了看那

大清律上云

一凡子孫故違祖父母父母教令者杖一百
一房舍服器之類各有等第若違式僭用者笞五十罪坐家
長
一許嫁女已報婚書及有私約而輒悔者笞五十若再許他
人未成婚者杖七十已成婚者杖八十後娶者知情與罪同
財禮入 官女歸前夫前夫不願倍追財禮給還然則人可
不教訓子孫哉

各安生理

生理二字生卽是營生之生理卽是天理之理順理營生頭頭是道凡人只要存個天理良心士農工商都要安自家本分這纔是個好人若不各安生理便有法懲治他了看那

大清律上有云

- 一私放錢債取利不得過三分年月雖多不過一本一利若強奪去孳蓄產業者杖八十追還以債准折人妻妾子女杖一百強奪者加二等因而姦占婦女者絞人口給親債免追
- 一田地無故荒蕪者應課種桑麻之類而不種者杖八十

一脫漏版籍逃避差役者杖一百欺隱田糧詭計灑派等項杖一百其田入官所隱稅糧徵納

一私鑄銅錢者絞僞造金銀者杖一百徒三年

一教唆詞訟及爲人作詞狀增減情罪誣告人者與犯人同罪若受顧誣告人者計贓以枉法從重論投匿各文書告言人罪者絞然則人可不各安生理哉

毋作非爲

凡人做那不好的事便是作非爲試看世上的人那個沒有良心天理只因後來或爲物欲遮蔽或爲嗜好牽引便不肯

學好作那不當爲的事了。你一作不當爲的事。一旦發露。便有法懲治他了。看那

大清律上有云

- 一 鬪毆殺人。不問手足他物。金刃並絞。故殺者。斬。同謀共毆人。致死下手者。絞。元謀者。杖一百。流三千里。共毆之人。執持兇器。發邊衛充軍。戲殺誤殺。各以鬪毆論。抵
- 一 謀殺人。造意者。斬。從而加功者。絞。不加功者。杖一百。流三千里。傷而不死。造意者。絞。從而加功者。杖一百。流三千里。
- 一 強盜得財。不分首從。分贓窩主。造意皆斬。竊盜。搗摸得財。刺配。三犯者。絞。知盜。後分贓。及接買寄藏。俱發邊衛充軍。盜

牛馬畜產以竊盜論。刺配盜田野穀麥菜果。准竊盜論。

- 一 和姦。杖八十。有夫者。杖九十。刁姦者。杖一百。強姦者。絞。未成者。杖一百。流三千里。姦幼女。十三歲以下者。雖和。同強論。
- 一 賭博財物者。杖八十。攤場錢物入官。若沿街酌酒。撒潑。開張賭坊者。仍枷號三個月。

- 一 師巫假降邪神。書符咒水。及妄稱白蓮等教。燒香聚眾。佯修善事。煽惑人民爲首者。絞。爲從者。各杖一百。流三千里。造妖言妖書者。斬。里長不首者。笞四十。然則人可不毋作非爲哉。

作譜五難

譜之作也起自歐蘓述自後賢歷歷相承靡不謂其易也殊不知天下之至易者正所以爲至難何也譜聯屬乎一族而筆秉於一人褒貶黜陟春秋之法寓焉其間有知我罪我者出則物情參差如理芴絲頭緒紊而難齊也彼貧賤而此富貴則勢利懸殊如堂陛之隔等級判而難合也此公正而彼邪險則趨向反背如薰蕕之別香臭異而難投也懷小忿而廢大義則心志盪惑如禍起蕭牆成讐而難平也執己見而違公論則舉動頗僻如盲入棘途欲返而難釋也苟作者不得其法則五難之莫解勢必至於無成就知勢之所在不患物情之難齊而理之有

緒則絲聯繩貫而渙者以收不患勢利之難合而處之泰然則忘勢忘利而判者以聯不患邪正之難同而待之有道則不循不阿而背者以歸不患小忿之難平而制之以義則含忍包容而惑者自解不患偏執之難禦而付之以公則無偏無黨而盲者自明然則其難也不在衆人從一人之難而在一人服衆人之難不在一人服衆人之難而在作者之心推入衆人之心難耳苟不罪己之所難而徒謂五難之在人則正所以爲難矣

前賢統說

傳曰宗子無法如朝廷無世臣又曰宗法立則人知重本蓋宗法廢而譜系繼起猶足以補之史記叙世家亦此意也

古者諸侯卿大夫世家綿延史牒得百世而不況者蓋賴譜系之存而其族人相與爲服死喪婚娶之必告而不絕隋唐以後仕者不世繼序失傳而譜遂大壞矣

漢高祖入沛以帛書與父兄翕然趙之司馬相如入蜀只移書諭父老而已古之人其知重本也如此

唐人詩曰昭昭穆穆在百世又何踈戶曉應難及作圖爲細書蓋謂譜之不可失也

石林公曰凡今士大夫以門望相高下以爵秩爲甲乙有其人則譜隨而詳以存無其人則譜隨畧以遺譜其可畧且遺也邪 又曰凡爲人而稍有知識者當以譜牒留心苟前乎此而譜不立吾不知其誰始固不能無憾若後乎此而不修則吾之罪也譜牒之作詎容緩哉

程子曰管攝天下人心修宗譜厚風俗使人不忘本須是明譜系立宗法也又曰宗子法廢後世譜牒尙有遺風譜牒廢人家不知來處世無百年骨肉宗譜無統雖至親亦薄也

朱庵晦曰人家三代不修譜則爲大不孝矣又曰己身以上稱公己身以下稱諱卽此作譜之法也

蘇老泉曰太上立德其次立言其次立功譜牒者亦立言之一端也

陶淵明贈長沙公族祖云同流分派人易世踈慨然寤嘆於茲厥初老泉族譜云以自始而衰而至於無服其初只是一人也吁果念厥初知自一人而蕃衍盛大以至於今始終相聯又何計乎服之遠近

南史王懿傳曰北人重同姓謂之骨肉顧之推家訓兄弟族自從祖族祖之外高祖者通稱爲尊同昭穆者百世猶兄弟也何比族人二三十世稱從伯從叔今俗語曰宗族百世真有所謂也

蘇東坡曰良民之家士大夫之族未必無孝弟相親有族人無
宗子莫爲糾率雖然族之有宗在今日爲難行而圖述譜系
亦庶幾於此也又曰民相與親睦者王道之始也

東萊呂氏曰三代之時曰姓者統其祖考之所自出者也百世
而不變者也天子建德因生以賜姓其得姓雖一而子孫別
而爲氏者不勝其多焉尋辱其流可以知其源尋其葉可以知
其根抑何易哉自秦漢以來氏族之制絕無僅有可簡而易
知者矣然人罕有能辨其源者王之氏一也吾不知其爲瑯
琊之王邪太原之王邪抑蘭陵之王邪劉之氏一也吾不知
其陶唐之劉邪秦春之劉邪元海之劉邪其能辨而知者鮮

矣氏之馬者未必能辨其爲馬服之馬及馬援之馬也氏之
石者未必能辨其爲周微之石及後趙之石也古之氏族繁
而知之者反多今之氏族簡而知之者反少由譜牒之不明
與廢而已以是知譜牒之學不可不講也

王荆公曰余聞蘇老泉論譜牒謂可知者續之不可知者闕之
此語極有病夫人不生於空桑豈無父祖可知者固可續矣
其不可知必夜而思旦而求推形捉影如今之捕獸豈有不
得者焉苟諉於不知而竟安於不知其爲不孝大矣

程伊川曰譜之要在明一本而濬其源所以尊祖敬宗也究其
派而清其流所以別親疎之遠近也辨昭穆等降之殊所以

識尊卑之次第也隆吉凶慶唁之禮敦孝友睦婣姪恤之行所以崇宗族之典禮也

游然命曰人之生始於父母推而大之數世雖遐皆同一氣也誰無惻隱之心霜露之感甯不興懷特未之思耳宗法既壞則無宗子何由以致其親睦之意獨有譜牒一事猶能稍知宗族而收其名系是以前輩多留心於譜焉

歐陽修曰族之爲言簇也尙夫序而有別姓之爲言生也本其所自生也氏之爲言是也別其所自分也又曰川流派別當知同源人代散殊當知同祖知同源必不啖醜浚清濁之異知同祖則不學秦越魯杞之視然非圖譜以紀則世系無証

安識須句之本於風也安識晉公之本於諸姬也是以爲譜系之不可無也

司馬溫公宗派記曰昔有問其祖之所自出懵然不知所對人謂諸吳罔記爲周之裔宜取臯陶庭堅不祀之譏又有成季之昭宣孟之穆至若五世而不慶弔人謂乎郊子篤少孳之之親且無言稱先職之美傳作宗派一圖揭諸中堂以示諸後輩復楷書百餘冊凡我族屬各送其一庶朝夕披覽可以興其敦族之義不以服屬踈遠間而從此親焉因知所懼可以厚風俗之一端

黃山谷曰世之有氏譜存識其從出考其所由分世日益遠族

日益繁若必至於不相維繫而昭穆之辨淆矣

呂本中曰國無國之道而後國亂家無家之道而後家亂故禮樂綱紀國之道也宗法譜牒家之道也

陸象山曰作譜須要明白如其祖某處分來某處分去枝幹脉絡條理不紊方纔是譜如或相傳失其真考求無據則亡諱亡世直書無隱此司馬公之圖系則歐陽公之譜例可做也陳北溪曰譜系者人身之根本也根本不明則顛倒無據或妄委其姓而冒人戶或妄附戶而溷其宗支何止於托漢婿而冒姓劉以狄種朱邪而附李屬籍者耶

九儀九誠引

凡人言以垂訓貴能明善以彰勸明不善以示戒而况譜書之作親切族屬可無事於勸戒乎是故尊祖睦族廣恩盡孝務學謹言修行體仁尚義爲宗之九儀皆善之所當勸者也無譜忽譜偏譜誤譜肉譜僞譜遺譜私譜失譜爲譜之九誠皆不善之所當戒者也余世業歐蘓嘗庸心譜學而涉究諸子史傳偶得遜志齋集其九儀諄切懇至迺深有補於族誼故彙錄於家規以彰族勸若夫九誠則余採摛諸家之格言分條析類附列於諸例之末以示懲焉耳而非敢有私杜撰誑妄也否則徒敷美於文而無實行則無益於族誼其能免肉譜之誚乎

古氏宗譜
卷一
作譜九誠

一譜不可無

先儒謂置譜之作肇於河圖洛書圖經書緯錯綜成文其學爲至難故姓氏之說司馬遷知之後尙有遺議佗如宋張文定公母年高數被存問而壺範不少集見至并其父名失之此其譜之不可無也可知矣間如歐陽文中表其父姪節有闕矣然未及鄭太君僅以荻畫畧傳於世亦譜牒所載闕如也況於無譜者乎

夫家譜猶國史也司馬氏史紀爲史家之宗於國事無所不備若家無譜以載事則前無以考本始後無以示將來譜誠不可無者而鄭夾際置譜畧謂家有譜猶郡有志祖宗遺墨在此或不免逸失在彼有能琛藏者必求備有

按昔陝西都統制公世次條例不爲不切倘宗人與我同志或嗣有所見或別有藏書與今譜不同者願以見教焉正與鄭夾際必求備有同意迺世之識見私狹謂吾有譜必不可示諸無者吾無譜或有少差訛必自以爲諱而不及索諸有者單族孤宗勢必不免於伶仃人或至於削弱者并失宗者有之可不慎哉

二譜不可忽

龍門子曰甚哉譜牒之難考也歐陽修譜圖世以爲甚精其自

言詢生通自通三世生琮爲吉州刺史當唐末黃巢陷州縣率州捍賊鄉里賴以保全自琮八歲生萬爲安福令修則萬之九世孫也夫詢唐初人巢陷州縣唐末也始終相去幾三百年詢生琮僅五世耳琮在唐末至宋仁宗一百五十餘年則闕一十六世其理竟何如耶甚哉譜牒之難稽也君子當闕其所不知信其所可知而已自晉及唐重其譜而深於譜學者絕不易得宋歐蘇二家但紀其名與世譜之所當載者詎止斯乎

三譜不可偏

周平園序曰君子之著書也有心於勸戒而無意於好惡然後可以施當今而傳來裔昔者世系之學嘗盛矣姓有苑官有譜氏族有誌朝廷以是定人品士大夫以是通婚姻然行之後世其弊有不可勝言者何也偏好偏惡害之也進新門則退舊望右膏粱則左寒酸進而右者爲榮榮則誇誇則必侈退而左者爲之辱辱則怒怒則必怨以侈臨怨則生乎其時者悉力以逞恨出乎其後者貪名以自欺此正倫所以鑿杜固義府所以陷不幸而無知如崇韜者所以流涕於尙父之墓而不耻是好惡之偏也

四譜不可誤

容齋洪氏隨筆曰姓氏之書大抵多謬誤如唐貞觀氏族誌今已忘其本元和姓纂誕妄最多 國朝所修姓源韻譜尤爲可

笑姑以洪氏一項考之云五代時有洪昌洪杲皆爲泰知政事
余按此二人迺五代南漢僭王劉龔之子及晟嗣位用爲泰知
政事其兄弟本連弘字以本避國朝諱故五代使追改之元非
姓洪氏也此與洪慶善序丹陽洪氏云有弘憲者元和四年嘗
坂輞川圖不知弘憲迺言甫之字耳其誤正同余髫年偶閱紹
興吳氏家譜序內載文帝時有諱公者爲河南守按漢史稱河
守吳公始考第一而失其名遂以公字當其諱謬誤與弘洪一
也

五譜不可肉

孔子慨杞宋凡以國家紀綱理亂恒於文獻乎攸繫文以彰獻
文章固人所難獻以敷文通譜學者尤人所難也是故譜牒所
具必有以昭家乘之盛衰識教化之污隆使人知所感發興起
庶人懋修厥德而成身家咸以譜牒爲資矣否則文士習於史
學者喜用巧詞奇句而無當於實行淺學拙工又不識譜學文
章而隨意增減豈是作譜之道哉

六譜不可僞

敖東谷曰曾南豐修家譜自以爲先世之派出自曾黜歐陽文
忠公亦否之蓋以遙遙華胄昧已欺眾是以君子不可不慎也
且曰人當自立豈可冒人爲重此巽齋所以爲賢而崇韜之爲
可耻也故不羞盤瓠不辱於菟者又可知矣

粵考史牒及姓氏諸書惟虞夏商周無賜旨詭別改易卜筮之
僞王氏則周之正封自後賜者如漢賜婁敬姓劉氏之類旨者
如鄭季與衛小兒通生子青青旨衛氏詭如范睢之詭爲張祿
蕭定之詭爲張誕別如智果別籍爲輔氏改如京房者姓李推
歷自定其氏而改曰京有避國諱而改如慶之爲賢嚴之爲莊
易如范蠡之齊易爲鴟夷子之陶朱公卜如陸羽不知其姓箴
得鴻漸於陸遂系姓以陸是也是皆不免於僞矣不與淺陋衣
食之徒市僞譜以誑人者同爲可笑乎

七譜不可遺

蘓老泉族譜引云服始乎衰而至於總而至於無服則親盡親
盡則情盡情盡則喜不慶憂不弔喜不慶憂不弔則塗人也吾
所以相視如塗人者其初一人之身也悲矣譜牒以合族者念
厥初爲一人也族大人繁類非一二不收則遺遺非所以語合
矣是故所以親疎以代著因代以分系系分而理續續而弗絕
繩繩秩秩各自條貫以究本末親疎之故必明備而無滲漏嗚
呼譜斯美矣故凡同姓者雖疎且遠決不可遺孝敬敦睦之風
於茲其可興乎若彼自遺者於吾心固無忝矣

八譜不可秘

譜書之作正所以敦睦族昌風教將使愚不肖者日漸月染以
變化其氣質也故譜書不當秘秘於己而束之高閣每歲時族

之賢否皆得聚觀講律於公堂以別親疎以興揖讓以明訓誡俾長幼聽之者人人得而通曉易行庶後之人知有規可循矩可蹈各安職分無相踰越無相欺凌相率遊於仁讓禮義之場則家雖微寒必有亢宗拔族之才挺生間出爲族人之萃豈細故哉如曰譜不可亂授蓋恐愚不肖子孫轉鬻他族所當珍秘者此也非云私當秘束而不得以曉論子孫傳布族衆也苟不以曉論傳布不惟後之人昧昧然不知先之所從來而祖宗仁讓之風亦復頓然斬截矣噫後有大大可慎者時變靡常水火莫測懼驚焉則秘者廼泯之也忽乎哉

九譜不可失

楊成齋先生所授誥勅身後有爲妄男子得之藉以爭楊氏祖墳風水當時官司莫能明斷哀然移葬此由子孫不能保守誥命修明譜牒以故人得而冒奪之也向使家有譜牒則誥命雖失而世系明備縱是妄男子焉得冒而面奪之哉甚矣譜之不可失也

家訓引

家何以有訓所以明禮義崇教化使一家之人秩然而齊一者也魯駟穀貽豐芑燕翼所從來矣漢唐而下若顏氏司馬歐朱皆各有嚴例揭示中堂以貽子孫家訓之作貽謀甚遠茲維遵先賢規獲撮其大要彙類成編闡綱常倫紀之懿端習尚澆漓之弊和以協其情敬以嚴其分崇雅黜奢之語鍼時砭世之說揭門立論酌古準今條條肯綮件件樞機其孝友睦婣任恤之義備矣冠婚喪祭羞服燕饗之式定矣親疎內外豐殺蓄散之宜審矣正可垂世範俗權可通情達變讀者循忠孝之旨耕者守勤儉之方令百世之子孫如其訓四方之風化如其家訓在

古曰
一宗善在天下後世矣而治平之道非實具於此哉噫布帛之
文菽粟之味欲念厥紹者當識其貴

家本

家本者何存心是也人生世間凡百之物受用有盡惟此善根
受用無窮故曰耕堯田者有水慮耕湯田者有旱憂耕心田者
日日豐年無慮無憂家之久長係於一心故存心先焉

積陰功

凡人之生貴積陰功非必廣施厚賚如今之人修橋舍路者始
謂之功也卽念慮之間常存利物這便是心田好了天地神明
其鑒之將來福澤近則及於身遠則及於子孫譬之樹木然枝

葉雖未蕃衍而根本已培自然暢茂條達莫能遏矣凡吾族子
孫務宜省之

祛隱惡

凡人之生貴祛隱惡非必損人益己如今之奸淫謀奪者是謂
之惡也卽念慮之間常存害物這便是心地壞了天地神明必
其鑒之將來禍殃近則及於身遠則及於子孫猶之樹木本幹
既已先撥雖枝葉未害而顛仆推折可立待矣凡吾族子孫務
宜省之

家範

家範者何修身是也家長之身係一家之觀型爾身不正孰克

有政故曰身不行道不行妻子使人不以道不能行於妻子妻
子尙不能行而餘可知矣家之淑慝係於一身故修身繼焉

謹言語

家長之言語家人之承聽也古之君子居喪不言樂祭祀不言
凶公庭不言婦女對兄弟則言慈愛接卑幼則言孝敬推而至
於語臧獲下走亦必以道非徒寡口過亦以示家法也苟爲不
然啟口出聲少有不慎則已先輕躁何以責人之沉默是故齊
家者謹言語之爲貴

慎舉動

家長之舉動人之模範也古之君子上堂則聲必揚入戶則視
必下以頭容則直以手容則恭以足容則重推而至於飲食起
居莫不以禮非徒寡身過亦以示家則也苟爲不然出入進退
少有不臧則已先輕率何以責人之持重是故齊家者慎舉動
之爲貴

勵臣節

君臣之義通於天地九族有登科第者無論資格但有一命之
寄務爲忠良上不負乎

天子下不負乎萬民如漢闕西楊氏世傳清白吏可也若止圖富
貴不思報國爲身家子孫之計枉法受賄則上天譴責曷能逃
哉爲秀才者當以讀書爲業不可挾勢凌人得財作証以致卑

辱品行其不仕者居王之土均王臣也各宜奉公守法凡錢糧
差徭依限早輸庶法網不罹而草野存忠愛之心焉吾族人其
共惕之

盡子職

父母生身劬勞罔極卽碎身粉骨猶不能補報萬一世俗不知
此理嘗見父母有不是處豈知天下無不是底父母爲子者須
先意承志溫清必謹親有過則柔聲幾諫有疾則左右調治解
憂勸善竭力以事其親父母卽有愛惡不平分授不均亦當怡
然順受毋敢違逆其處繼母之變者子雖受諸屈抑亦當以大
舜閔子爲法蓋父母不慈而子不可以不孝也苟有溺愛妻子

酗酒失養出入侮慢者此爲逆天大罪焉重懲不宥

篤夫婦

易曰男正位乎外女正位乎內此天地之大義也故爲夫有當
以正道自持法聖王刑于之化效龔缺龐德公之行固不可卑
污而屈辱於妻亦不可剛狠而凌辱乎妻如妻有大惡出之可
也若無大惡過犯動以小事反目則陰陽不知家道自此替矣
其最可陋者女奪男權不知事舅姑敬夫子好遊惰長舌此宜
罪其夫以及其身若娶妾爲生子計也妻不容妾其咎在妻當
以無子妬去寵妾凌妻其咎在夫當以失序論罰妾若強悍無

狀卽宜廢出

和兄弟

兄弟一體而分若手足然吾每見世之人或爭田地或競財帛或因父母偏愛彼此怨懟互相毆訟誠薄道也抑知難得者兄弟易得者財錢吾族人當念同氣之親況相尤之隙父產均分不可倚長占幼恃強凌弱通有無共患難勿聽婦言致令參商至於妯娌之際務相和睦毋恃母家勢豪欺壓儕輩毋多私蓄財產唆夫分析則兄弟翕父母順家道其日昌矣

慎交友

朋友之交係五倫之一尹和靖先生曰自天子至於庶人未有不須友以成者然則友道不綦重哉故讀書進取者擇直諒多聞之友則德業日修無燕朋廢學之病矣業農工商賈者擇誠實勤儉之友則勞動相勉無羣居不義之憂矣不然匪人結黨煽惑爲非則亡身破家未不自此始者吾族人其慎之

行冠笄

冠者成人之道也成人者將責爲人子爲人弟爲人臣爲人少者之行其禮可不重歟古者男子十五至二十皆可冠女子許嫁而笄年十五以上雖未嫁亦可笄此大典也務照所議之禮行之如貪不能筮賓亦須擇宗族之賢者卜日加冠舉酒而祝之曰爾旣加冠名曰成人棄爾幼志淑慎爾身庶幾迪德振立家聲光前裕後受天之慶遂命之以字若女之笄亦請族中之

賢婦人擇日加笄舉酒而祝之曰凡爲婦孝舅姑和妯娌敬丈夫毋怠惰嫉妬修婦道光父母遂命之以字此貧富之可通行者也不行者罰

重婚姻

婚姻者上以承宗祀下以啟後世同姓不可爲也其要有四一曰清白之族二曰名義之順三曰年齒相若四曰門第相當婚禮吉有六今省其半如納采問名納吉納徵俱以聘定禮兼之卽今之小茶是也請期卽今之大茶是也親迎則今之婿迎親是也事之無害於義者從俗爲便其新婦入門儀節禮有定式毋送房以亂內外至嫁女當以擇婿爲先若不遵上四者但慕

其家業之盛利其聘儀之豐良賤不分玷辱家聲其罪尤甚焉甚而有情相昵而有指腹之舉利相結而有割襟之約其後或以人事不齊而愆期或以人品不偶而背信遂至約婚不終而怨曠由起故曰婿貴擇德配俟長成此謹始慮終之道也吾族之嫁娶者甚無畧焉

慎喪禮

父母之喪人子終天之戚也擗踊哭泣固所自盡凡衣衾棺殮之儀稱家有無做先儒典禮行之必誠必敬不使少有後悔孝子孝孀毋得擅離柩側作樂娛賓期年大功小功緦麻等各備應服巾經臨喪盡哀咸以親踈爲序及送殯之後凡屬服制俱

以歲月爲限違者必罰如親骨未寒而對賓燕樂重麻在身而徑赴喜筵又若乘機嫁娶詐喪匿喪不奔喪者此爲忘親之甚也皆以不孝論

嚴祭祀

秋薦新冬至則祭始祖除夕奠祖禩忌日之哀奠告之儀祭祀也凡遇大祭之時遠近子姓先期以某日齊赴祠堂其與祭者以昭穆爲序齋明盛服品物豐潔盥漱饋獻之儀事死如生至祭畢而燕亦宜嚴謹肅靜毋使過肆誼諱倘有臨時推故不到及酗酒亂儀者在所必罰焉

建祠堂

王公有宗廟士庶有祠堂所以妥祖考之靈奠神主而隆祭典集羣宗而序昭穆爲宗法設施之地在也春秋祭祀其儀節以家禮爲式宗子主之祭時則灑掃潔治祭畢則扃閉牖戶毋許閑人遊嬉並納諸不潔之物褻慢先靈如是則祖考之神魄安而宗法亦有所憑而不廢矣祠堂祭器宜藏貯封鎖不得混失如有盜其器物者查明重懲祠堂祭田每年租利蓄以備祭祀之費倘除用外有餘積若干各股中議首事幾人輪流料理出納惟公庶積年儲蓄之厚一以應濟公事一以備天年荒歉以濟族中之貧乏者此先賢之所謂義倉也吾族人其勉之

明宗祀

凡祖考神靈入祀者從昭穆列之毋得僭逆據宗法生非祖脉
出姓廟絕者不得入妓生奸生及鬻身外族者不得入喪德雖
老死弗祀立德雖早亡亦附此固於報本追遠之典而寓勸善
懲惡之義也今日之子孫卽後日之祖考可不修德立行以培
沒世享祀之基歟

立宗長

族代傳世遠子孫益繁繁則難爲整齊故必立宗子以至祭祀
以攝家政使衆人有所統法通族大事咸屬主理先大宗後小
宗必擇才德兼優者始克勝任焉旣立宗子則必舉戶長以輔
勸祀政亦須擇齒德兼隆秉公持正者任之倘戶長年高老弱

又擇立宗相家相以佐其不逮凡族有忿爭莫解必先鳴祠聽
宗子戶長從公理處免擾公廷敢有頑梗子姓自揣理虧難逃
衆論因捏詞誑控上藐 王章下違 祖訓戶長等必據理直
證不得畏富貴而徇情退縮受賄囑而屈直不分有此宗長眾
共攬之

正各分

夫分者尊卑之等也各者尊卑之稱也各因分立分以名昭二
者相須而成合一之道也不有以正之則倫紀壞亂風俗頹敗
人道幾熄矣吾族中上有祖輩有父輩有兄輩皆分之尊者也
下有弟輩有姪輩有孫輩皆分之卑者也尊者當謙和以待卑

毋挾長以凌下卑者當守禮以承尊毋恃強以犯上卽須叟聚處而坐立不失其序稱謂不紊其名凡戲謔訕笑致起侮慢之釁者必杜其漸設有強悍子弟欺凌長上則宗子族長等命入祠堂重加責罰如是則各分既正族無悖逆而禮讓之風成矣

重墳墓

墳墓所以藏祖宗之形骸爲子孫根本之地也吾每見世俗墳塋或爲風雨傾塌或爲狐鼠鑽穴或人妄信堪輿侵葬祖墓使先人不安於地下且漫云獲福而禍敗立至卽是妄動者當之凡孝子慈孫宜於墳之頽廢者築砌之遺失者清理之缺凹者培益之立石以垂永遠植樹以壯神依俾世世子孫得以永祀焉倘有於公墳內樵採芻牧縱牲作踐且恃有分子姓之說倚勢強葬致使侵壙及棺泄傷元氣此尤爲祖宗之罪人也當合族共擊先令扞移後爲鳴 官究治

肅閨門

閨門萬化之原人道之始也古者男女食不同席浴不同器相接必以筐相語不踰閨所以遠嫌也今男子自十五以上者卽親屬室內非有事不得擅入視聽貴端行步必先揚聲凡有舉動宜謹納履之戒女子不與外事晝不遊庭夜行以燭毋冶容嘻謔入寺觀燒香出外看戲凡尼僧六婆等衆不許往來至僕從之人更加嚴飭必王公有命方許立門外聽役違者重懲之

以勵風化易曰家人嗃嗃悔厲吉婦子嘻嘻終吝蓋謂閨門之教過於寬毋甯過於嚴之爲得也

分良賤

家庭禮法肅若

朝廷主僕森嚴不可褻也僕人賜名自有定稱不得與子弟同人
人之或紊宗支踈分之主人亦當自重不可與僕之踈者相狎
踈分之僕從亦當安分不可與主之踈者相抗如悍僕不循禮
法主人當責其僕倘主人容縱則必重治其僕兼罰其主以正
名分焉

修宗譜

譜牒之作所以原世繁序昭穆萃渙睦族之道也世之人苟無
宗譜則不知姓之所由出派之所由傳然其義有二譜者普也
普載各諱字號生卒嫁娶葬地山向以示後人之不忘也譜者
布也敷布流澤別真贗稽行實表揚宗功以示後人之不謬也
故譜之不可以不作有如是矣既作之而不有以續之則世遠
編殘而祖德闕紀奕世失傳其何以紹前烈而示來茲乎故朱
子曰三世不修譜是爲不孝

厚宗族

今人富貴恒以千金飾裘馬遇無義之人無益之事輒馳騁宴
樂不惜多金而祖宗一脉其饑寒癯疾者不相聞問此皆不知

所重矣今凡吾同宗之人吉宜相慶凶宜相弔幼而孤則字之
老而獨則養之凡衣食不給婚喪不舉水火橫禍則相率而周
之斯厚道而先靈亦慰同族其敬念哉

教子孫

家之興敗係子孫之賢否而其責在父兄自幼小時教以從容
和順以消剛猛之氣敬謹篤實以收放佚之心不明長幼之序
則訓之不知飲食之宜則戒之年八歲則入小學教以灑掃應
對入孝出弟以及詩書六藝之文於是習慣成自然大人之體
段具矣如資性愚拙不能讀書亦當教以謹守禮法專務生理
如爲農則深耕易耨使衣食足而事畜有貲此治生之上策也

如爲商賈工藝亦以勤儉爲本毋行不義以干法律毋好賭博
以破家業毋耽麩藥以亂德儀倘有不遵家規恣其驕悍之性
或爲竊盜姦淫暨一切暗昧之事此雖子弟之不肖實父兄失
教之過也同拘入祠堂懲之以勵將來

慎繼嗣

世之立後者有愛人之子弟而立之者有利人之財產而自請
爲後者皆非立後之義也房分有親疎班次有大小甚不可苟
一或苟焉則一房繼立各房妬忌爭訟不已禍及孀婦矣自今
繼立者當以義爲主長子不立孤子不立尊卑失序不立同父
兄弟之子則立之如無則或堂或從或五服外班同則以親親

同則以序擇而立之倘本支分踈遠又不得其人不得已乃取
始祖傍支子孫爲後名曰入繼入繼者謂自外而入內也至立
嗣之日告於祠堂聞於家族咸知爲吾之後以己之家產傳之
本宗毋得妄起爭端爲人後者不得顧私親當竭力以事所繼
父母生事葬祭皆盡其禮苟只圖承繼利人之有仍厚其所生
父母而薄於所繼者則以不孝論

旌孝友

孝爲百行之原爲子婦者無論嫡繼而養志養體盡愛親順親
之道其實跡顯著如閔子王祥崔氏乳姑之類焉至兄弟幼居
父母膝下長則各立門戶果能不聽婦言克忍克讓如鄧攸牛

弘之待弟柳權溫公之待兄如此孝友之人洵爲邦國之所矜
式聖賢之所嘉許者也本宗宜呈縣立匾以旌其孝友

表節義

節義者天地之正氣可以激頑懦而維風化者也自古重之吾
竊見世有孀婦無夫煢煢孤苦守志不二而父母舅姑乃受私
逼嫁以奪其志此澆惡之俗也抑知大禮所係族有孀婦年一
十上下不論子息有無能以矢死守節者公姑宜欽恤之本族
當異等優禮貧則給之衣食富則保全之無侵其所有玉成其
美若至死無愧吾族人當 聞於 上以旌其節義焉

明賞罰

子孫有率由祖訓遵守家規如子孝其親孫順其祖弟敬其兄
及一切善行之足錄者族長同諸族人迓入祠堂以金帛而嘉
賞之其大有補於風教之事則申聞 有司旌以匾額爲祖宗
門第之光苟有弁髦祖訓藐玩家規如子逆其親孫忤其祖弟
欺其兄及一切醜行之可厭者族長同諸族人拘入祠堂執家
法而督責之其大有傷於風化之事則呈首 有司加以典刑
爲宗族後人之鑒蓋有賞則爲善者勸有罰則爲惡者懼信賞
必罰亦獎勸懲之意乎

勤耕讀

農者國之本也食者民之天也乘時播種胼胝弗怠則衣食足
而俯仰有賴矣若有田不耕畊而不力以致倉廩空虛饑寒無
措皆遊惰之過良可羞也經書子史凡天人之蘊庶物倫常之
理修齊治平之要靡所不備讀書以明道德者上也其次亦可
資之以成功各試觀昔勸之學者如囊螢映雪警枕懸梁雖未
造於聖賢之域而立德建功各垂青史俱顯赫於當時不亦爲
吾族人之所當共勵哉

務紡績

婦人所以內助緝麻泉治絲繭玉中饋縫衣裳蚤起夜昧此其
分也今有懶惰之婦視紡績爲虛文坐臥爲故事邀結妯娌互
相往來或三五聚處搬鬪是非甚而自行卑污誣謗清白之女

使真偽混雜令人不得議己紡績弗勤以至衣不蔽體此尤行不彘若者也犯者責其夫而罰之

守官法

夫禮以優君子法以懲小人是法固禁民爲非之具也人而爲惡則爲犯法犯法者官有常刑今我族人凡錢糧秋米當依限早輸各安己分毋越禮以生事庶追呼不擾而箠楚弗及法之在官者雖猛如火而我無焦灼之患雖密如罟而我無掩捕之虞生不致辱於祖宗沒不貽羞於子孫可謂國之良民鄉之善士也族其勉諸

卹艱苦

聖王施仁必先戮獨凡宗族中有鰥寡孤獨疲癯殘疾者自祖宗視之悉爲一體皆吾身之痼瘕也親房之人宜爲矜憐區處毋使流離其貧而無以自葬者備棺木衣衾毋使暴露違者有罰如親房皆貧窶則責備於服屬之稍親者在本宗則亦有義助焉

救患難

凡有患難者世人莫不憐恤拯救况親而宗族乎或被盜賊或遭水火或遇橫逆或染灾疫或受暑賴同族之人宜爲之捍禦防護爲之解釋醫治爲之辨誣鳴冤若坐視不救者罰乘機騙害者罰本宗若以人命暑賴他人當解不當助如本宗婦人不

忍小忿縊死畝挾者母家妄行顧護衆當爲之解禦其公婆無
故凌辱至死者衆當罰之若丈夫無故凌辱至死者宜重治之
如本宗之女出嫁夫家忤逆公婆辱詈丈夫反縊淪至死而畝
挾者父母及族眾毋得顧護此拯患扶危之道爲吾族人之所
當其喻者也

積陰德

人之生也念慮之間常存利物此便是心地好者或全婦女節
或却不義財遇難則扶之拾物則還之不毀古墓不娶生妻撫
遺孤濟鰥寡憫人饑寒凡錢米醫藥之類隨力周給則天地鬼
神自必照鑒將來福澤近則及於身遠則及於子孫矣凡我族

人務宜省之

貴容忍

大丈夫處世貴存寬弘之度必有容德乃大必有忍事乃濟亂
大謀者皆起於小不忍也自今尊長偶有差失卑幼固當容忍
若卑幼有違錯尊長亦當從容善道不可輕發陰私以滋怨恨
如此則一門和氣親睦成風何至有爭鬪之惡習也

戒忤逆

五刑之屬三千罪莫大於不孝爲子孫者觸犯父母辱祖父母
及毆期親尊長並大功小功總麻尊長此罪不可道者也宗長
喚至祠堂依律處治不得徇情匿私致滅倫理若仍克狠不服

古氏家譜 卷一
本宗則送 官嚴究以懲刁悍至有戶婚田土墳塋等情告於
宗長宗相聽其剖斷仍有難處者鳴公可也亦不許擅毆辱尊
長

懲姦淫

男女之道原有定配不可紊也若不肖子孫不守禮法覬覦外
色因邪緣未遂生勾引心勢有阻隔生謀害心淫機卽殺機此
係百惡首誅也抑知出爾反爾天道弗爽姦人妻妾者得妻妾
淫亂報姦人子女者得子女淫亂報甚至天促不壽絕其嗣息
滅其福祿後悔莫及不洵可畏哉今修德者果猛力自省依遵
古訓視老如母視長如姊視幼如妹視少如女則惡念自消善

念自生而轉禍爲福矣又若婦有穢行當令其自盡夫苟潮愛
不能裁以義者卽無廉恥之心本家逐出之不與其祀族吾人
其其惕焉

禁偷盜

凡人之爲惡皆由小以至大先攘竊而後穿窬由穿窬而至劫
掠此等子孫上以辱及祖父下以累及妻孥亡身破家皆由於
此此王法之所不宥者也初犯如攘竊事量處責罰俟其自新
或再犯故轍結黨成羣傷人掠財則合族共擊之令其自盡設
惡黨難除則送 官究治務依律正罪庶良善無殃而禍無及
於族人矣凡我宗黨其慎之哉

戒嫖賭

男女之欲人皆有之然不以禮自禁鮮有不傷生破產者有等不才子弟交結淫朋出入妓門視錢帛爲泥沙輕田園如草芥力屈情窮甘爲下賤甚者沾染惡疾亡身絕嗣其禍有不可言者又有賭博之徒荒廢職業或窩賭而內外不分或輸欠而典賣不顧至家計窮迫衣明無措或爲狗盜穿窬寡廉鮮耻之事無所不爲此其勢之必然者也似此之輩有玷家聲本族宜當撲責不宥

禁挾黨

巨家世族子姓不齊在坊在鄉皆有挾黨內持家勢外挾黨援橫行無忌氣焰可畏在坊謂之市虎在鄉謂之地虎故或唆搆詞訟或硬証扛幫或武斷鄉曲或詭騙詐骨破家蕩產而不顧忘身及親而不悔上觸官府之怒下招人民之怨族有此等本宗重加責罰不悛者送官究治

罰遊惰

人生世間不外士農工商之業如誦詩讀書矢志上達則士者之事胼手胝足竭力耕耘農者之事居肆造作疲勞筋力工者之事跋涉長征貿遷有無商者之事凡此四者乃治生之策以致名成利就事畜有資皆從勤苦中得也至若喜逸惡勞流浪失業或博奕縱酒恒舞酣歌及衣食不充則日以典賣爲事此

等子孫終爲下賤不亦有玷於祖先哉吾族人其懲之

睦鄰里

鄰里者非親則友土著於此已爲祖父之世交矣一戒小兒輩不可侵犯二戒六畜不可食踐三戒家奴不可抵抗勿爲錢穀生隙勿爲田地構怨出入相友守望相助疾病相扶持則彼此親睦洵爲里仁之俗矣

崇儉約

儉美德也禮與其奢也甯儉聖訓昭然近世富貴之家徃徃以奢侈相競錦衣海饌一日累萬錢之費不知作法於儉尙懼其奢作法於奢何以垂後哉自今凡飲食衣服宮室嫁娶及壽誕

喪祭待賓之類俱以省約爲貴但無失之太嗇耳陳公又云奢

侈儉約是貧富闕頭人不可不知所崇云

御奴僕

御僕俾之法要恩威兩濟不可偏廢者也如見恩不見威彼則有所恃恃則玩心生焉見威不見恩彼則有所怨怨則叛心生焉故聖人曰惟女子與小人難養也夫所謂恩者何也豐衣足食以體恤其服役之苦所謂威者何也厲辭正色以攝其不軌心阿家翁不可不知此道也

息爭訟

族人所以構訟者雖彼不能忍一朝之忿實本宗無剛直懇言

者以排解之自今事有不得其平毋輕擾

官祇可投鳴宗長宗相集眾議論務覈事情真實從理分割但
以曲直分勝負不以尊卑論是非除此等外有以富吞貧以貴
凌賤以眾欺寡以強侮弱以刁悍健訟誣害良善者宗長宗相
以家法治之或有強梁執梗不肯輸服者即將實情送
官懲治斷不輕宥

家
禮

長子冠圖

房

北

脯
盤
盞
注

房

衣
帶
靴
履

長子醮位

堂

冠者
贊者
擗
擗

位


位

階

西

東

階



冠
巾


南

洗
盆
巾


儀節

長子冠圖




醮 壻 圖




親 迎 圖




眾 子 冠 圖



醮女圖




禮婦圖



本宗五

遺孫父卒為祖
若曾高祖承重
者斬衰三年為
祖母為曾高祖
母承重者齊衰
三年祖在杖期



凡男為人後者為其
私親皆降一等惟本
生父母降服不杖期
其本生父母亦降服
不杖期凡同五世祖
族屬在總麻絕服之
外皆為祖免
親遇差則服
素服大巾纏頭

家禮服圖

四


外族母黨妻黨服圖



明倫彙編

家禮服圖

出嫁女為本宗降服之圖



三八母

繼
謂先隨母嫁
繼父同居後
異或雖同居
而繼父有子
已親大功已
三月親服齊衰

嫡
齊衰三年
母與嫡子
亦報服
為衆子則
服不杖期
○庶子為
嫡母之父
母兄弟姊
妹小功母
死不報


庶
謂父妾之
有子者衆
子為之義
服總麻○
士之庶子
為其母齊
衰三年為
母後則隆
慈○庶子為
父後者為
其母總麻
而為其母
之父母兄
弟姊妹則
無服○庶
子之子為
父之母不
杖期而為

慈
謂庶子
無母而
父命他
妾之無
子者慈
已也同
親母義
服齊衰
三年不
命則小功
謂小功
哺曰乳
母義服

出
謂被父離棄降
服杖期母為子
服杖期不杖期○
子為父後者則
不為出母乃隆服
大功母為女亦
報服

月
家禮服圖

圖之服族長家為妾



古
氏
宗
言

時 祭 圖

祠堂神主 果 饌 香案 主祭者拜位

糾儀所 果 饌 中牢 司酒 司醴 司饗 司饔 司烹 司爨 司贊 司贊 眾子孫 班次

糾儀所 果 饌 少牢 司酒 司醴 司饗 司饔 司烹 司爨 司贊 司贊 眾子孫 班次

三分祠基圖引

公祠創於康熙丁丑年係界山三分所共造也貴滿公傳至安金
 一二公分支安宗各中分金宗各上分宗興公傳至清琇二公各橋
 分仕良公一支居老河勘因窩遠不獲其祠事故上中橋三分通
 議作三股均派用費又隨力各助銀兩于是公祠告成其基置買
 奉祖堂田壹畝五分價銀柒兩五錢又買學公田五分借銀二兩
 五錢又學公助田壹畝與公共計祠基三畝輪差東至溝南至憲
 公田北至球田西至四房田週圍內存通水溝一條門前小塘一
 所屋照基外餘者爲田爲地俱係三畝之中一凡基址樹木溝塘
 恐年久失傳故載圖于後又將創造各目列左

大學宗子

忠璣宗子

忠璋

忠球

忠國

忠珂

忠號

忠訓

忠魁

忠信

忠瑛

忠受

忠琳

忠佳

忠兵

世璉

世連

世山

世乾

世桂

世壽

世明

維元

世俊

皆

康熙壬寅歲桂月上浣

之吉

同治五年新議立首事額數列後

慨自咸豐年長賊蹂躪南陵城燒殺擄掠人家大受其害我族
 界山祠折廢僅存空架高灘向有支祠一炬而空賊退後商議
 修理祠宇以進牌位以安先靈上中分人丁大衰上分僅存六
 七丁所派費用無力支任高灘分雖同修譜而界山宗祠內未
 嘗出費造祠故無有首事因全置酒立議而墩上洽成公礪分
 乾存公高灘貴卿公等憑族立有合同一樣三帑各執一帑存
 照而上中分以高灘分本屬同根一派情愿將首事撥出一半
 歸高灘分而高灘分情愿照公派費以為修理進牌位安祖上
 之資又高灘分無有祭田在宗祠而每年春秋祭祀不得與焉

因派出祭田折錢二十千嗣後上中分合爲一分礮分一分與
高灘分共爲三分人家派三年內各分首事各辦祭祀一年但
上中礮二分有祭田租稻貼辦而高灘分首事則照所派祭田
錢內抽息自辦一年此係近來通權達變議定今付諸梓人以
示來許云

新立上中分首事九位

礮分首事十位

高灘與中塘分新添九位

界山祠圖



老河壩胡氏宗祠記

古者天子諸侯大夫士廟有等級而親盡則祧厥有同揆惟天子
 禘祭乃用合饗庶人止於祭禰禰以上皆不得與嘗患其追報之
 義薄甚漢以後始有家廟家廟之設其仁人孝子之用心乎吾驗
 諸胡氏矣胡氏合修宗譜而老河壩善鵬維宣善狀善快輩備述
 建祠始末屬余爲記以附家乘以勒祠碑余慚不文辭之廼固屬
 之因依所述而大暢言之胡氏宗以遵公其長子安生傳十世家
 公暨弟永公家公支下十二世海公子孫世居墩上而永公支下
 十五世文勝公卜遷老河壩後裔則老河壩是居焉遵公次子懋
 德十四世宗興公徙居殿基山下其後以橋分名者與墩上相鄰

祠之相合從其近也老河墾則中隔小河或山漲漫涯風雨滄道
春秋祀事慮遠難修以故譜系聯而祠宇弗能總合也昔有維瑜
公期建家廟以棲木祐侑神靈而資費猝難充給爰糾族衆創立
公堂以貯備建祠之用柰有志未竟而謝世惜哉逮後善字善賓
諸君協志理公貯金數百油然仁孝之念以生慨然立廟之心以
動倡率族人通議建祠而祠之基址則善賓善樓善鵬三家捐助
由是出其公資濟以丁費鳩工庀材其襄盛舉不數年而簷阿軒
翔廉隅整飭妥神座於其上萃子姓於其下廟貌維新二祭並舉
是爲胡氏宗祠夫以支之分而亦曰宗祠以肇遷老河墾者實始
以文勝而文勝公乃其聚族所宗也今高大其門第固護其墻垣
序列尊卑而昭穆無相混淆行分左右而趨踰無相踰越仍設鑪
鼓以告虔肅家規以明教彬彬斑斑稱禮樂衣冠之會矣昔謂敬
所尊愛所親而秩秩宗廟之禮概可睹也是役也始於嘉慶二年
丁巳落成於五年庚申自經始至竣工俾夫寢廟奕奕映行衢而
光先德者率善字善賓諸君之力也嗟夫本實之也人所難言詩
曰孝子不匱永錫爾類書曰率乃祖攸行吾願胡之後起賢裔其
勉於先德而無忘昔人之加意於祖若父也是爲記


建祠名目列左

維池	善宇	善賓	善快
世愷	世來	維昇	維楷
首事			
維恒	維元	維宣	維就
善希	善鵬	善樓	善本
善照	善象	善宏	慶恩
皆			

嘉慶癸亥年九月既望

宣城庠生梅汝鈞頓首拜撰

老河塽祠圖





胡氏重修首事名目列左

忠瑜字嘉生

忠朋字友生

忠深字淵如

忠受字大賢

忠管字益生

忠壽字樂先

世明字子高

世橋字梁成

世逢字伯茂

世璣字華明

世勝字子盛

世翰字禹臣

世山字岳先

世佐字亮工

世俊字卓成

世祿字其中

世傑字漢超

世壽字爲先

世璋字琳先

世德字明先

世佑字右人

世掄字健飛

世炳字南彰

維考字時可

維雙字公傑

維千字聖一

維章字煥文

雍正乙巳年孟秋月

之吉

胡氏續修首事名目列左

維恒

維廩

維宣

維桓

善川

善萬

善狀

善快字鳳

善端

善輔

善審

善統

善柑

善鵬

善莖

善象

善闢

善颺字光輝善甯

善沔

慶校

慶泰

慶財

慶毫

慶烈

慶珠

慶起

慶燾祖

讚曰

首事列右志協心同既勤厥始勿懈於終財不吝己力惟效公
執事恪謹乃祖欽崇時經寒暑足歷雲風安定有後羨此成功
告

皇清嘉慶癸亥歲季冬月上浣之吉

依山汪肇尊刊贈

胡氏經理重修宗譜各目列左

邑庠生 楨幹 各九玉楷

業儒 夢齡 各仕周寶

方舟 各尙河深

監定

廩貢生 玉珂 各祖慶一

附貢生 瑄 各尙錫類

光緒拾捌年歲次壬辰陽月吉日告竣

重修宗譜首事名目列左

祖戊申字夢蘭

祖愷字周士

祖栽字超廷

祖璜字瑞華

祖益字三友

祖便字壽如

祖逢春

尙洛字同然

尙吉字鳴和

尙桃花字葉青

允鐘秀字深山

允梭字楨祥

尙貞起字茂春

允貞喜字悅和

允鮮英字仁美

尙廣生字擇明

恭蓉鏡字錦璋

光緒拾捌年歲次壬辰孟冬月上浣

之吉

民國十四年歲次乙丑續修宗譜執事名目一覽表

主修 其芳字蘭如

纂修 子清字渠成

譚連城

採訪 交治字瑞廷

變臣字佐衡

少安字雲庭

潤椿字衛臣

校閱 述志字基柱

少亭字泉臣

澤仁字長生

贊修 紫珂

有麟 吉人

隨風

茂盛 德清

焜耀

鴻材 南方

紹唐 燮卿 克明

太和 增佳 開基

雲樹 鐸鈴 秋成

乃茂 欣然 玉珍

華齡 品三 鴻福

高祥 光華 山

吹豳

行派引

譜聯族屬派別尊卑派混則昭穆亦混俊傑二公摠攝譜事遞垂先世之派者四言三韻至嘉慶癸亥元齡公纂修又增以八字四言四韻茲復重修增以十六字四言二韻俾奕禩得所遵循輪流傳後庶無混淆之慮今將派次開列于左

家懷遠德 廷志大忠

世維善慶 祖尙允恭

仕思光國 居念崇宗

學先端本

行必致中

春秋遺澤

松柏流風

雲仍繼述

緒業彌隆